

元遺山詩集箋注

元遺山全集序例

李序

中統本

唐開天間李邕李白皆以文章鳴世邕之所至阡陌聚觀以爲異人衣冠尋訪門巷填溢白則王公趨風列岳結軌羣賢翕習如鳥歸鳳是豈懸市相夸沽聲索價而後得之哉要必有以漸漬其骨髓動盪其血氣藻鬯其襟靈故天下之人爲之咨嗟滂液鼓舞踴躍景附響合而不能自已也吾友元君遺山其二李後身乎始齷能詩甫冠時名已大振尋登進士上第興定正大中殆與楊趙齊驅壬辰北還老手渾成又脫去前日畦畛矣君嘗言人品實居才學氣識之上吾因君言亦嘗謂天下之事皆有品繪事圍碁技之末也或一筆之奇一著之妙固有終身北面而不能寸進者彼非志之不篤習

之不專也直其品不同耳如君之品今代幾人方希刷羽天池揚光紫微不幸遭疾而歿其遺文數百千篇藏於家雖有副墨而洛誦者率不過什得一二其所謂大全者曾莫見焉是以天下之大夫士歉焉若懷宿負而未之償也東平嚴侯弟忠傑有文如淇澳好善如干旄獨能求得其全編將錄之梓且西走書數百里命余序引余謂遺山之文之名有目爭睹有耳咸聳庸何序爲惟君有益棺之恨此其可言者得以論述之主上彙居藩邸挹君盛譽一見遠以處之太史氏不數歲神聖御天文治蝟興稽古建官百度修舉其於玉堂東觀金華延閣之選尤所注意者曷嘗不設燎以待之而側席以求之哉向使遺山不死則登鑿坡掌綸誥稱內相久矣奈何遇千載而心違際昌辰而身往此非君遺恨也耶尚賴柳

如京之賢有慰韓吏部之志文工命拙雖抱憾於九原人亡
書存足騰芳於百世顧余朴學未暇題評言念舊游聊爲揚
推云爾中統三年陽月封龍山人李治序

徐序

中統本

文之爲物何物也造物者實靳之不輕畀人何哉蓋天地間
靈明英秀之氣萃聚之多蘊蓄之久挺而爲人則必富於才
敏於學精於語言能吐天地萬物之情極其變而爲之雅故
爲詩爲歌爲賦爲頌爲傳記爲誌銘爲雜言爲樂府兼諸家
之長成一代之典使斯文正派如洪河大江滔滔不斷以接
夫千百世之傳爲造物者可得而輕畀之哉竊嘗評金百年
以來得文派之正而主盟一時者大定明昌則承旨党公貞
祐正大則禮部趙公北渡則遺山先生一人而已自中州斷

喪文氣奄奄幾絕起衰救壞時望在遺山遺山雖無位柄亦自知天之所以畀付者爲不輕故力以斯文爲己任周流乎齊魯燕趙晉魏之間幾三十年其迹益窮其文益富其聲名益大以肆且性樂易好獎進後學春風和氣隱然眉睫間未嘗以行輩自尊故所在士子從之如市然號爲汎愛至於品題人物商訂古今則絲豪不少貸必歸之公是而後已是以學者知所指歸作爲詩文皆有法度可觀文體粹然爲之一變大較遺山詩祖李杜律切精深而有豪放邁往之氣文宗韓歐正大明達而無奇纖晦澀之語樂府則清雄頓挫閑婉瀏亮體製最備又能用俗爲雅變故作新得前輩不傳之妙東坡稼軒而下不論也嗚呼遺山今已矣靈明英秀之氣散在天壤間不知幾年幾時復聚而爲斯人乎東平嚴侯弟忠

僥喜與士人游雅敬遺山永其完集刊之以大其傳云陳郡徐世隆序

杜後序

中統本

自有書契以來以文字名世得其全者幾人耳六經諸子在所勿論姑以兩漢而下至六朝及隋唐前宋諸人論之上下數千載間何物不品題過何事不論量了大都幾許不重複文字凡經幾手左搆右捨橫安豎置搓揉亦熟爛盡矣惟其不相蹈襲自成一家者爲得耳噫後之秉筆者亦訥乎其爲言哉今觀遺山文集又別是一副天生爐鞴比古人轉身處更覺省力不使奇字新之又新不用晦事深之又深但見其巧不見其拙但見其易不見其難如梓匠輪輿各輸技能可謂極天下之工如肥濃甘脆疊爲餽飮可謂併天下之味從

此家跳出便知籍湜之汗流者多矣必欲努力追配當復積學數世然後再議曩在河南時辛敬之先生嘗爲余言吾讀元子詩正如佛說法云吾言如蜜中邊皆甜此論頗近之矣雖倡優駟僮牛童馬走聞之莫不以爲此皆吾心上言也若夫文之所以爲文亦安用艱辛奇澀爲哉敢以東坡之後請元子繼其可乎不識今之作者以爲如何或者曰五百年後當有楊子雲復出子何必喋喋乃爾濟南杜仁傑善甫序

王後引

中統本

正大中詔翰林院官各舉所知時閑閑先生方握文柄於人材慎許可首以元子裕之應詔朝議是之而天下無異辭蓋子之幼也已得其先大夫東巖君之指授稍長博極羣書且多與名士游故於蚤歲嶄然見頭角肆筆成章往往贈炙人

口貞祐南遷文譽日崇作書自名一家其於古調樂府爲尤長不惟可以進配古人而一時學者罕見其匹士林英彥不謀而同目之曰元子尊之也後雖知劇縣入主都司簿書宦德之際不廢吟咏北渡以來放懷詩酒游戲翰墨片言隻字得者猶以爲榮閒作中州一集旁搜遠引發揚前輩遺美其叙事之工槩可見矣國朝將新一代實錄附修遼金二史而吾子榮膺是選無何恩命未下哀訃遽聞使雄文鉅筆不得馳騁於數千百年之間吁可悲夫東平巖侯弟忠傑富貴而好禮者也卽其家購求遺藁捐金鳩匠刻梓以壽其傳屬余爲引余與子同庚甲又同在史館者三歷春秋義深契厚固不當辭然仁卿大手已序於前顧余荒謬安敢贅長語於其旁感念疇昔姑以平日親所聞見與夫同志之所常談者書

詩卷末云歲昭陽大淵獻秋七月己丑愼獨老人曹南王鶚
識

段詩集引

益甫本

余亡友曹君益甫嘗謂子曰昔與元遺山爲東曹同舍郎雖
在艱危警急之際未嘗一日不言詩迨今垂三十年其所與
論辨歷歷猶可復北渡而後詩學日興而遺山之名日重世
之留意于詩者雖知師宗之至其妙處而人未必盡知之也
自僑居平陽時爲諸生舉似其一二然以未見其全爲學者
惜間遣人卽其家盡得所有律詩凡千二百八十首又續採
所遺落八十二首將刻梓以傳以膏潤後學未及而益甫沒
于後四年子輒繼成父志同門下客楊天翼命工卒其事俶
落于至元戊辰之秋迨庚午夏首尾歷六十五旬有五日工

既訖功二子來謁求序其事踏吾門而請者六七至無倦色而意益勤余以爲詩非待序而傳者也若其刻詩之大略不可以不言焉姑摭實以題其端云稷亭段成已引

附黃選余序

架閣本

金人元好問字裕之別號遺山髻而能詩下筆輒驚其長老年甫冠登進士其詩文出入於漢魏晉唐之間自成一家名振海內金源氏自大定後頗尚藝文優禮賢士而崔立之變駢首死難者不可勝紀遺山巋然獨存金亡晦道林莽日課一詩寒暑不易至本朝才名益甚四方學者執羔雁無虛日郝陵川謂其規模李杜凌轢蘇黃殆非虛語遺山著述甚富其所作金史纖悉不爽蔚爲一代鴻筆至所編中州集流傳不廣人莫之覲是集世無行本惟架閣黃公在軒手抄二十

卷藏之篋中予爲補其殘闕正其謬誤凡閱月而告成至篇
什次第悉依原本彙付剞劂俾海內騷雅其珍之至順二年
三月十一日翰林國史余謙謹序

儲重刊後序

宏治本

嚙少時間見遺山詩文於它集輒喜誦之不置及鉅鹿耿公
典鑰畱都嘗謂嚙曰吾友段可求家藏遺山集日借讀之而
未竟也吾老矣尚冀一讀子試訪之宏治甲寅嚙調官吏部
始得秘本於新安程公亟納諸公公喜動顏色曰刻本今亡
矣是不可使之無傳也嚙因錄而讀之乃知學士大夫慕尚
遺山者不但其文章之盛蓋金本肅慎入據中國然承宋遼
之餘大定明昌之際人才政治在彼亦有可稱者君子固不
得而盡削也天興播亡文獻淪喪遺山奔走流寓不能自存

乃力以國史爲己任網羅放失諏訪者舊孜孜矻矻幾三十年雖沮於匪人薄於既老不克成書其所自著若中州集壬辰維編續夷堅志併茲集四十卷則皆一代文獻之所萃厥後元修金史悉剽用之向無遺山則金源氏有國之故存什一於千百未必盡章聞於後世也或者謂金之亡崔立之變死生辭受之際遺山處之有不能違人之議者噫是未考也觀其對努申之語志聶女之墓隱忍激烈意蓋有待而爲也有待而不克豈非阨於時邪子讀其金亡以後之文辭悲調慷慨有詩人傷周騷人哀郢之遺意亦可見其志也已不然容城劉氏陵川郝氏節行文學在當時莫之與京獨於遺山嚮慕尊稱之至抑又何邪然則以遺山之才之美值亂亡之世不獲究其用且厄其身蓋夫人之不幸君子所當嘆惜焉

者又奚暇它議也哉沁水李君叔淵以御史按行河南使來請其集以刊自中統壬戌初刊迄今餘二百祀矣遺山之文終不可晦固有待乎其人惜吾鉅鹿公之不及見也李仁卿下叙凡四首輒以臆見志諸末非敢亦以爲叙云宏治戊午冬十月旣望後學海陵儲懽題

李序

宏治本

瀚自束髮時好讀先生詩文然以方攻程式文章事進取不暇肆力後舉進士謬官內外稍竊膏馥助筆墨於是好益篤讀益頻常計有以廣其傳曩在陝西嘗以所編中州集于西安府刻置郡齋比來河南又以家藏本詩集屬汝州刻之其詩文全集卷帙頗多在元時固已盛行然歷時旣久屢更兵燹書在人間多是抄本魯魚亥豕漫不可讀瀚竊病之近始

得善本于太僕儲公靜夫喜副宿志遂謀協藩臬諸公咸曰
是書非一家一邑所得私當與天下後世共之時鄉試甫畢
乃移工任其事嗚呼自有載籍以來六經四書諸儒緒論外
若諸子百氏汗牛充棟何其多哉學者窮歲月白首不能徧
觀其間楊馬韓柳歐蘇曾王諸公則又文人中之山斗冠冕
故其傳獨不朽而天下後世無不讀焉近時文集尤多從而
責其實辭句不足以達理而成章聲音不足以感人而動物
徒以禍楮墨殃梓工耳若先生之文則豈可少者哉先生自
幼學至於壯且老自平居無事至於流移奔播無一念一時
而不在於文故能出入於漢魏晉唐之間偃然以其文雄一
國金源氏自大定後頗尚藝文詞家輩出崔立之變駢首死
難先生巋然獨存金亡隱晦自全而其名益盛元初學者宗

之爲依歸作金史者稱其備衆體有繩尺蔚爲一代宗工殆非虛語顧不傳于時豈非缺典夫事有偶然之遇忽然而成者而人之文章有晦于前而顯于後屈于暫而伸于無窮者昌黎文集幾泯滅于敝篋中得歐陽永叔而始行于世先生距今餘二百年而其文始賴諸公以就梓豈非其顯晦屈伸固亦有其數耶雖然文之傳不傳先生無與也而其傳實學者之幸河南居四方之中聲名文物之所萃書得梓于是其不復將大行也哉先生名好問字裕之別號遺山世爲太原之秀容人宏治戊午閏十一月旣望賜進士文林郎巡按河南監察御史沁水李瀚序

魏序

韓氏本

天下之寶隱見有時而光氣不能終闕豐城之劍沈埋晦蝕

而卒出於張雷二子者其光氣使之然也文章之爲光氣亦大矣史稱元遺山先生爲金源氏一代宗工四方碑版銘誌盡趨其門其詩奇崛而絕雕剝巧縛而謝綺麗豈非希世之奇寶歟其集久而失傳學士大夫以購之不得爲恨斯亦劍瘞豐城之時也錫山華生希閔得善本而鋟之梓於是好古之士人人如獲重寶于意外昔歐陽子少時得昌黎集於李氏做篋中讀而心異之而當時未有道韓文者已而與尹師魯輩倡爲古文出所藏韓文舊本行於世學者遂非韓不學遺山之文入室韓歐詩則力追李杜而又能變故作新得前輩不傳之妙迄今垂五百年士爭嚮慕之茲集之出行復有非元不學者華生知好之而不以私之已亦有歐陽子之志也夫華生勉之矣康熙四十六年十二月上浣江南督學使

者蔚州魏學誠題

例言

是集元刻爲嚴忠傑中統壬戌本張德輝類次詩文共四十卷前有李治徐世隆二序後有杜仁傑王鶚二引書佚不得見考徐序有評樂府語則新樂府五卷當併入刻或別自爲卷至明刻乃削去

文淵閣書目十二冊蔡竹堂曰同緯雲樓目全集內閣藏書目四十卷季滄章目傳是樓目簡明目俱同儲氏附錄一卷內詩

十四卷文廿六卷案國史經籍志云五十二卷乃耳食之說不足據

明刻爲李叔淵宏治戊午本詩文仍四十卷有儲瓘李叔淵二序集中二十二卷元闕兩頁外附錄一卷乃儲氏從中州等集採諸贈言訂入者何燕泉云遺山集今刻河南者卽此本也是書劉疎雨眠琴山館有之借校箋本如

一卷出
真詩注

史院得

告歸嵩山寺下

詩此
作侍又
古句

自古南鄰雄

鄰此
作鄰

又

一卷移
居句運甕古

城隈

獲此作蟹

又句

自信頗相慤

相此作亦

又二十八卷大丞相碑

譏夫之媒孽

此譏上有辨字

又

三十三卷

差人之勞不能給二人之食

差此作十

又三十一卷

再略蒲

鮮鮮此

集藉以訂正者不可枚舉略指一二不備載

國朝刻爲華希閔康熙庚寅本詩文仍四十卷古賦四首

五

一百二十九首七百七十八首雜言三十六首樂府四十八首五律八十四首七律二百九十三首五絕二十五首六言四首五七言一首七絕五百八十二首 共一

千二百八十首大抵祖中統而禰宏治者仍載附錄一卷及

李徐杜王四序引削去李儲兩序而弁以魏學誠大字序外

增附錄詩五首此刻盛行傳是樓所藏查初白所評趙蓉江

所易趙雲松所說皆是甲辰歲從楊拙園夙好齋乞得卽小

箋底本也

眠琴山館又藏元刻曹益甫至元庚午本有段成巳序止詩

二十卷無文其詩亦一千二百八十首續採八十一首

五古十七首七

古四首雜言三首樂府二首五律八首七律三十三首七絕二十九首

此張德輝類次所遺者三刻皆無今

竝依類收入各卷後卽校箋本如三卷覓古銅兩句應是杜康祠下得

是此四卷贈答疑作金荃怨曲欄晚辭又天鹿山句斷岸何緣此

天姥此此陵川西溪自己造仙府自下此有謂字亦舉一二竝較今本殊

勝藉以改正不少文淵閣書目云詩三册全萊竹堂目同國史目云二十卷天一

刻皆二十卷未知諸目究係何刻。又此集丹黃滿紙爲西樸老人卽錢陸燾晚年評本如

一卷箕山詩降衷均義稟四句直以腐語抹去十二卷雪香亭金水河頭好墓田句以爲唐

張祜語妙在山光二字若襲改作河頭則無味評語類中肯綮亦採入

又從楊秋室假讀舊鈔元黃公紹至順庚午本詩二十卷僅

七百餘首樂府次首卷餘略同有余謙序蓋選本也其移居

八首注云元本止七首今仍之乃以故書堆滿牀句上接尚

有百本書句爲一首豈知八首各用一韻無轉韻者誤也秋

宰云此集七律不載岐陽七絕不載論詩棄取已失當他何

論耶亮哉斯言

查初白詩評卽華氏本如五卷送陳季淵句雪花茫茫揚白雪改雪又七卷

琴已除夜句浮心白髮前改心老樹作生又老樹不用若回家改若回又八卷寄作苦思又希顏句南餘

歸計一屢新改南作商皆與舊本暗合惟三卷崇禎官句寂寞來作由東鄰

乃云由疑作田又半山亭句半山亭前浙江水乃云浙當作浙其謬處未免失

檢至八卷上馮內翰句蚤樞老歸千里驥改蚤作早及詳益甫本竟係阜字蓋

因傳刻者訛阜爲早而後校者復改早爲蚤沿誤至此又十四卷王

子寒食句五樹來禽拾放花改拾作十及詳益甫本乃是恰字亦因傳刻

本訛恰作拾遂致改拾作十去本字愈遠矣古書固因不校

而訛亦有因校而益訛者初白尚不免此

本集三卷荆棘中杏花詩亦見謝枋得疊山集八卷新野先主廟詩十

卷蜀昭烈廟詩亦見元明善清河集又穎亭詩春風碧水二語亦見張

元集例言

孟合波
稜詩

皆誤也惟別本有聞鶯五絕一首似爲

精孟頫松
雲齋集

誤入者

故不收補

集詩失載者本集寒食靈泉宴集序有五古一首

集無

小亨集

序有種松詩

一卷有
詩似非

東游略記詩十首

五卷游泰山一首十二
卷龍泉寺四首餘無

超化詩

注引殘句

集無

中州集五卷趙愚之書懷繼裕之韻五古四首

次韻答詩七律陰塵韻二首

八卷止次陰韻一首十卷追錄題下
塵韻一首注云寄張子純非與趙作

六

卷麻知幾松筦同裕之賦七古一首

集無

裕之以山游見招兼

以詩爲寄因仍其韻四首

集無

雷希顏同裕之欽叔分韻得莫

論二字五古二首

集無

九日登少室絕頂同裕之分韻得蘿字

五古一首

七卷有太室同賦五
律一首非九日作

洛陽同裕之欽叔賦七律一首

卷九

一首非
和作

次裕之韻兼及景元弟灰韻七律一首

九卷有示雷諸人詩
而杯材韻不叶又此自

伯威
補雷

劉景元同裕之水谷分韻得荷風送香氣五絕五首注云

深竹貯秋氣裕之語集歸潛志引昆陽懷古句云英威未覺

銷沈盡猶向春陵望鬱蔥集無靜修遺文孝子田君表云有贈

其子田道童詩集無歸田詩話引句云花啼杜宇歸來血樹掛

蒼龍蛻後鱗集無不知何人句以上皆失載者至庶齋老學叢談引贈

張寓齋句云汝伯年年髮如漆看渠著腳青雲平四卷示仲敬句圭齋

集送振先歸祖庭序引句云九原如可作我欲從歐陽二卷移居句

藝林伐山引句云北去穹廬千萬里畫羅休縷麝香金十二卷雪香亭

歸田詩話引句云燕南趙北非金土王後盧前盡故人十卷王仙

翁皆屬錯記若居易錄引句云濟南山水天下無乃于欽句

詠歷山云濟南山水天下無斯香曉日開畫圖見齊乘更攷寰宇訪碑錄有湧金亭詩刻在今

河南輝縣者當卽五卷示同游諸君作又題超化寺詩刻在今河南密縣

者當卽十一卷秋風媚媚作

元集例言

十一卷秋風媚媚作

本集中侯相雲溪圖題內載絕句一首賈氏千秋錄中口號
三首酒裏五言說中五古一首五詩皆不入題數元詩凡一
千二百八十首續採八十一首今補一首歸潛堂詩總一千三百
六十二首郝銘所紀一千五百餘首合諸失載篇什約有其
數惟今華氏本所刊郝銘於一千五百之一字訛作五字而
雲松趙氏遂疑真有此數有更求全集之語殆未及詳考故
耶

集文元闕者

十五卷

光武中興頌大司農箴二篇

二十卷

文儒武君

銘

三十卷

沖虛大師銘皆有銘無序

二十四卷

教授常君銘

二十七卷

完顏良

佐碑皆有序無銘

四十卷

南陽上梁文脫拋梁詞六首又墓誌

如承旨子政御史仲寧尚書仲平大理德輝點檢阿撒郎中
道遠省講議仁卿西帥楊沃衍奉御忙哥宰相子伯祥節婦

參政伯陽之夫人將軍長樂妻明秀凡十二篇見漆水公碑

語今竝不存是也宏治刊本脫去者

二十卷

中順張君碑脫一

頁

闕三百
八十字

銘詞後半

闕兩
行

陽曲周君表脫一頁

闕三百
四字

從金石例

補得一十七字是也

又先生文字散見他處自類次後未經收入者若漆水郡侯

耶律公墓誌銘

遼史百官
志引其語

尚書右丞耶律公神道碑文

集中與成
仲書所云

先相
公碑

一篇見元文類安肅郝氏瑩碑文殘本見金石例楊振碑

文殘本見石刻

意增五十
六字傍注

跋閑閑草書和擬韋詩後見墨跡今

已依類採補各卷後惟秋澗集云有題東坡與蒲傳正四帖

跋及寰宇訪碑錄所載陳仲謙墓誌銘

正書正大
二年立

在今山西臨

晉縣五峰山重修洞真觀碑

王萬慶正書元定
宗二年十月立

五峰山崔先生像

贊石刻

各體書
無年月

竝在今山東長清縣者皆無由採輯矣

嘗讀虞道園學古錄所載會吳初墓銘云補注遺山詩一十
卷藏于家蓋古人已有先我而爲之者第云補注則必有作
于前者又言藏于家則此注似未行世不得與李季章荆公注施

武子

東坡注

任子山

山谷注

等注竝傳惜哉顧茲末學乃從數百年

後劫灰盜竊之餘徵文考事表而章之未知有當于先正否
金源史事僻左自元及明止有浙本流傳絕少國史且然况

文人家集乎惟遺山先生詩文大家傑出金季爲一代後勁

上接杜韓中揖歐蘇下開虞宋其精光浩氣有決不可磨滅

者是以歷朝傳刻不絕第集中本事非他書取證不詳積年

以來遐搜博采自四史外如中州集續夷堅志歸潛志拙軒

集淦水集滹南集莊靖集鶴鳴集二妙集河汾諸老詩敬齋

古今藪及諸宋人

齊東野語庶齋老
學讀談山房隨筆

元人

洪然集遺山遺棄東遊記陵川集秋
澗集玉堂嘉話丁亥集續集靜修遺

詩文拾遺皇元風雅元文類名臣事略圭齋集牧庵集困學齋雜錄金臺集河朔訪古記谷
青雲樓集道園學古錄剡源集草廬集齊乘淵穎集穀耕錄梧溪集名儒草堂詩餘名山游
記
明人 說學齋彙潛溪集
忠文集升庵集 等書約十之一雜書又二百餘種不及備

載大半山館中物衰而箋釋之庶幾游覽贈答之篇慷慨歌
謠之作稍可攷見惟是屈平之悲楚澤庾信之哀江南古有
闕疑未獲訂正况乎書多秘籍寔難購募而已已寓灾所鈔
副本又一炬而空其挂漏亦良多矣至于詩中故實不過諧
俗文字先生繁稱博引尤非儉腹所可及偶爲友人慫恿復
聚書冊匆匆解注七月而成竊恐雲階月地載失周秦玉盃
金桃事迷紀傳不更貽笑于大方之家乎張半屏蔣枕山兩
君雅共商推有意續補之謹識此以俟

先生手錄詩冊似不甚排當其間前後失次并有書追錄字
者大小不等已無例可沿及頤齋類次又將古今體分編顛

竄尤甚是以鄙附箋注隨題載入悉遵舊本不敢言例

集中舊序李徐杜王四作甚佳段余其次儲李魏等不載可也止因列代傳刻存之有勸余請諸當路者愚謂遺山大著自畱天壤鄙說謏陋倘有可采或不致唾棄若無甚取材雖大人先生何益哉竟不贅序

元遺山詩集總目

元張德輝頤齋類次

後學烏程施國祁北研補

卷首

原序 例言 本傳 墓銘 世系 年譜 共計三十七頁

卷一

古賦四首 五言古詩六十一首 二十四頁

卷二

五言古詩六十八首 續編十二首 三十頁

卷三

七言古詩三十六首 二十頁

卷四

七言古詩四十二首 續編四首 二十二頁

卷五

雜言三十六首 續編三首 二十八頁

卷六

古樂府四十八首 續編二首 十二頁

卷七

五言律詩八十四首 續編八首 十七頁

卷八

七言律詩九十九首 三十頁

卷九

七言律詩百四首 二十八頁

卷十

七言律詩九十首 續編三十三首 又一首 三十一頁

卷十一

五言絕句二十首 六言四首 五七言一首 七言絕

句百二十六首 二十三頁

卷十二

七言絕句百五十六首 二十二頁

卷十三

七言絕句百六十首 二十三頁

卷十四

七言絕句百四十首 續編十九首 二十三頁

卷末

附錄 并增 補載 共三十七頁

十四卷并首末共四百七頁

本文并箋注共二十五萬六千六百十字

元遺山全集傳銘

烏程施國祁北研輯

金史文藝傳

元德明系出拓拔魏太原秀容人自幼嗜讀書口不言世俗鄙事樂易無畦畛布衣蔬食處之自若家人不敢以生理累之累舉不第放浪山水間飲酒賦詩以自適年四十八卒有東崑集三卷子好問最知名好問字裕之七歲能詩年十有四從陵川郝晉卿學不事舉業淹貫經傳百家六年而業成下太行渡大河爲箕山琴臺等詩禮部趙秉文見之以爲近代無此作也於是名震京師中興定五年第歷內鄉令正大中爲南陽令天興初擢尚書省掾頃之除左司都事轉行尚書省左司員外郎金亡不仕爲文有繩尺備衆體其詩奇崛

而絕雕劇巧縵而謝綺麗五言高古沈鬱七言樂府不用古
題特出新意歌謠慷慨挾幽并之氣其長短句掄揚新聲以
寫恩怨者又數百篇兵後故老皆盡好問蔚爲一代宗工四
方碑板銘誌盡趣其門其所著文章詩若干卷杜詩學一卷
東坡詩雅三卷錦機一卷詩文自警十卷晚年尤以著作自
任以金源氏有天下典章法度幾及漢唐國亡史作已所當
爲時金國實錄在順天張萬戶家乃言於張願爲撰述旣而
爲樂藝所沮而止好問曰不可合一代之跡泯而不傳乃構
亭於家著述其上因名曰野史凡金源君臣遺言往行采摭
所聞有所得輒以寸紙細字爲記錄至百餘萬言今所傳者
有中州集及壬辰雜編若干卷年六十八卒纂修金史多本
其所著云

年四十八卒

案先生本生父東巖君無卒年中州集本傳云先人捐館後十年好問避兵南渡合之與聽上人書甲戌渡河之說當在泰和中年

又据見敷之銘云年二十就科舉時先東巖君已沒敷之歿于貞祐二年甲戌年二十有九上數之知東巖當卒于泰和三年癸亥

中興定五年

本集開闢銘云與定中拜禮部尚書又明年知貢舉坐為同官所累奪一官致仕○祭恒馮公碑文云與定五年充編修官考試開封進士○史李復亭傳與定五年三月廷

試進士復亭監試進士盧元忠誤濫放及第讀卷官禮部尚書趙秉文翰林待制崔禧歸德治中時試應奉翰林又字程崇善富弼三官降職復亭當奉兩官○案以上所引

為試官其同年登詞賦第可考者如第一劉過鼎臣見辨南銘歸潛志又李國維德之見本集沁州碑洛西詩又趙端雅正之見本奉直銘又史元邦直見本墓表又李欲若

獻誠李欽用獻甫見本贊皇銘採花詞又康瞻見康公銘又敬鉉鼎臣見贊皇詩又張夢祥見採花詞又董德卿見別詩又盧元長卿見李復亭傳又王元禮見中州集巖巖

傳又郭邦彥平甫田錫永錫見同上又趙璧敘之見陵川集銘又焦茂才見學古錄朝列趙公碑文又口獻臣獻遺見改建碑以上共一十八人若宜紀喬松等十餘人乃同

年經義進士選志幹勳業德二十八人乃同年女直進士也○又本集開闢贊云正大甲申諸公貢某詞科秦王露布注云正大元年五月應詞科案先生應宏詞傳略去○

又集昭禪師引云正大初予在史館吏部警巡二記題末並云正大二年乙酉五月儒林郎樞國史院編修官上賈左丞詩注時官編修又有帝城史院夜直出京史院告歸

等詩案先生官國史院編修傳亦略去 歷內鄉令正大中為南陽令 大德碑云初筮仕除鎮平令再轉內鄉丁

艱裏將表正大中辟申州南陽令案陵川集墓銘說略不足據惟大德碑不稍詳更考本集夾谷碑云正大三年初置申州南陽上樂文云改隸新州宋理紀淳祐五年四月

無可疑者又本集有鎮平夏酒寄筆書事寄家書懷等詩並為正大三年作金史中惟完顏合達傳云楊沃衍東還會大軍于鎮平餘不多見地志鄧州下注脫去升州立縣事此傳歷內鄉上亦次去初除鎮平令字皆當補入○又先生自鎮平轉內鄉令則本集長慶泉記云正大丁亥承乏內鄉是也自內鄉丁內艱去則竹林院記云正大庚寅前內鄉令是也終喪起為南陽則新倉記題末云正大八年四月儒林郎南陽令武騎尉是也

天興初擢尚書省掾

本集長佐

天興元年六月官東曹掾吏部主事史白撒傳正大九年三月白撒不自安命合史元好問攝乞休表亦蓋合書傳正大九年元兵薄京師四月始罷合書自為已功呼合史元好問何不入賀○案集中出鄧州詩云六年備滿鄧州城先生自正大三年應辟至鄧迨八年自鄧應召入京計六年正合又京居詩題云辛卯八月六日作希顏墓銘云辛卯八月二十五日癸之載樓門外是先生初秋已早家出鄧赴召汴京矣傳云天興初約言之耳

除左司都事

本集歸德碑云壬辰之圖承之

左曹之都司南冠引云京城之圖子為東曹都事開闢贊云壬辰冬某以東曹掾知雜權都司史滿察瑋傳袁宗澤歸德汴京立講議所時左司都事元好問頗請議兼看讀陳言文字完顏奴申備汴京圍急往往有立刑王監國以城歸順之議

轉行尚書

省左司員外郎

麟潛志森大梁事云二年正月廿二日崔立變起較二相詣軍前納款明日以省令史元好問為左司員外郎又崔立碑事

立自負救一城生靈功請在司員外郎元裕之曰汝等何時立一石書我反狀耶

七言

案七言下當有別字與五言句構傳脫去

杜詩學

有引

佚文淵閣書目

東坡詩雅

同上

錦機

同上

詩文自警

案觀佑歸田詩話引之見論詩箋

中州集

詩見存文淵閣書

壬辰雜編

編元壬辰雜錄云近午奉詔修三史一日於翰林故

府擲金人遺書得元遺山裕之手寫壬辰雜編一帙中言安平都尉完顏斜烈與名鼎
字國器嘗鎮商州偶搜伏于竹林中得歐陽公子孫甚多以歐公之故并其族屬御里
三千餘人悉縱遣之則知未嘗戕于金兵也元遺山金士領袖生平極重歐公嘗有詩
云九原如可作吾欲從歐陽北人至今佩服其言。文淵閣書目宙字號三冊缺景竹
堂書目
云三卷

大德碑本遺山先生墓銘

歲丁巳秋九月四日遺山先生卒於獲鹿寓舍經走常山三
百里熱文醇酒哭于畫像之前先生與家君同受業于先大
父經復逮事先生者有年義當叙而銘之詩自二百篇以來
極于李杜其後纖靡淫艷怪誕僻澁寢以弛弱遂失其正二
百餘年而至蘇黃振起衰踏益爲瓌奇復于李杜氏金源有
國士務決科干祿置詩文不爲其或爲之則羣聚訕笑大以
爲異委墜廢絕百有餘年而先生出焉當德陵之末獨以詩
上薄風雅中規李杜粹然一出于正直配蘇黃氏天才清贍

遂婉高古沈鬱大和力出意外巧縵而不見斧鑿新麗而絕
去浮靡造微而神采燦發雜弄金碧糝飾丹素奇芬異秀洞
蕩心魄看花把酒歌謠跌宕幽并之氣高視一世以五言
雅爲正出奇于長句雜言至千五百餘篇爲古樂府不用古
題特出新意以寫怨思者又百餘篇用今題爲樂府揄揚新
聲者又數十百篇皆近古所未見也汴梁亡故老皆盡先生
遂爲一代宗匠以文章獨步幾三十年銘天下功德者盡趨
其門有例有法有宗有趣又至百餘首爲杜詩學東坡詩雅
錦機詩文自警等集指授學者方吾道壞爛文曜晷昧先生
獨能振而鼓之揭光於天俾學者歸仰識詩文之正而傳其
命脈繫而不絕其有功于世又大也每以著作自任以金源
氏有天下典章法度幾及漢唐國亡史興已所當爲而國史

實錄在順天道萬戶張公府乃言于張公使之聞奏願爲撰述奏可方闢館爲武安樂夔所沮而止先生曰不可遂令一代之美泯而無聞乃爲中州集百餘卷又爲金源君臣言行錄往來四方采摭遺逸有所得輒以寸紙細字親爲記錄雖甚醉不忘於是雜錄近世事至百餘萬言捆束委積塞屋數楹名之曰野史亭書未就而卒嗚呼先生可謂忠矣先生諱好問字裕之太原秀容人系出拓跋魏故姓元氏曾大父春忠顯校尉隰州團練使大父滋善儒林郎銅山府君贈朝列大夫父格顯武將軍鳳翔府路第九處正將兼行隴城縣令騎都尉河南縣開國男邑食三百戶妣河南縣君張氏先生七歲能詩太原王湯臣稱爲神童年十一從其叔父官于冀州學士路宣叔賞其俊爽教之爲文年十有四其叔父爲陵

川令遂從先大父學先大父卽與倡和或者譏其不事舉業
先大父言吾政不欲渠爲舉子爾區區一第不足道也遂令
肆意經傳貫串百家六年而業成下太行渡大河爲箕山琴
臺等詩趙禮部見之以爲少陵以來無此作也以書招之於
是名震京師目爲元才子登典定五年進士第不就選往來
箕穎間數年而大放厥辭於是家按其什人嚮其句洋溢于
里巷驗諷于道塗巍然坡谷復出也初筮仕除鎮平令再轉
內鄉遂可艱憂終喪正大中辟申州南陽令南陽大縣兵民
十餘萬帥府令兼鎮撫甚有威惠詔爲尚書都省掾居無何
除左司都事再轉爲中順大夫行尚書省左司員外郎兼修
起居注上騎都尉河南縣開國子食邑五百戶賜紫金魚袋
天興初入翰林知制誥金亡不仕而卒春秋六十有八某年

月日葬于秀容之先塋前配同郡張氏戶部尚書林卿之女
再配臨清毛氏推貨司提舉飛卿之女子男三人長曰撫奉
直大夫汝州知州兼管諸軍奧魯勸農事次曰振仕太原路
參佐次曰摠尚書都省監印女五人長曰真適進士東勝程
思溫次嚴女冠詔爲宮教號浯溪真隱次順早卒次適成和
郎大都惠民司提點太原翟國才次適建德路織染局大使
定襄

士子賈技爭綴緝僥倖寸祿奔走急以爲詩文作無益糞壤
擲棄明月璧先生卓犖有異識振筆便入蘇黃室開闢文源
翦荆棘大聲復完全玉擊爛漫長醉思盈溢瑞錦秋花亂堆
積險妬護前喘肝臆羣犬舐舐其讒嫉塵埃野馬爲鬼蜮遺
山巖巖倚天壁國史興喪是吾職義烈不負董狐筆定襄高

寒拓跋國馬兒歸葬反元宅有書有卷俱未卒嗚呼先生端
可惜嗚呼先生不可得

樂夔所沮

案即舜咨已見惟沮止事未詳

中州集百餘卷

案集止十卷碑文誤

金源君臣言

行錄

案史本傳云壬辰雜編若干卷即此

曾大父春隰州團練

本集承奉銘云祖春不仕。案團練宋官金初有此職春

生當靖康天輔間爲此官隰州人金或挂過法與趙光道姚仲純一流

承奉歸遂其終志故諱言之而此碑仍書原官削去宋字故小異爾

鳳翔路第

九處正將

案第九處當在隴城縣地志不詳後廢原路邊將下次西第九將營云云疑非

丁艱終喪

案集示程孫詩云吾母河南君

五七青詞云臣母張祭家廟文云顯妣河南縣太君張氏謝鄧帥免從軍詩有

墨經陟岵之句竹林神院記正大七年稱前內鄉合當爲正大五六年間事

帥府

令兼鎮撫

察選志與定元年定制伎劇縣例俱作正七品令兼樞密院彈壓之職以鎮軍人又完顏合達傳元光元年察同

行尚書

省左司員外郎

案先生本官省掾此職乃崔立叛後探望而勸授者與張正倫等陵川撰碑略去此本乃復加八而言再轉者殊非先生意指

天與初入翰林知制誥

案上女員外郎已在天與二年此安得反言初授且此職亦必係崔立勸授者不足爲先生榮楨服

辱耳乃承陵川集碑文之誤而失於削去

者史本傳于員外郎文下不載此官最是

秀容先塋

明陶淵口口日宗文墓表云溥嘗請學于晉陽有張惠者

從之游一日冒雪訪惠于滎丹山居山

前配張氏

案集陶秀銘云予爲而陽合其母張痛歎新樂府而陽後作

三奠子詞有開衾孤枕 戶部林卿 中州集張戶部翰傳字林卿秀容人大定二十

之句當在正大八年 史翰林直學士貞祐初戶部侍郎車駕南渡出為河平軍節度使召拜戶部尚書草創

之餘經費空竭雖不監細物皆倚之而辦予嘗見于戶曹邠州一書生言時事相與詰

難凡數十條卒不思而對雖反復計度者亦自不能 再配毛氏 案集潞州表云子

到信過濟之良材也官宗且暮相之會卒年五十五 高出又家訓跋語云予向在汴梁婦翁提舉知再配在天興元年 提舉飛卿 中州

提舉端卿字飛卿彭城人父矩祖州軍事判官致主事飛卿二十歲始知讀書游學齊

魯間備極艱苦飢凍疾病不以廢業凡十年以經義魁東平泰和三年擢第累遷提舉

推貨司戶部員外郎性剛明疾惡過甚坐與監察御史相 子撫 即阿千叔儀已見 奉直

元史官志文散官 汝州知州 元史地志汴梁路南陽府汝州下領三縣。諸軍

奉直大夫從五品 元官志諸州下州達魯花赤一員總管一員茲正三品兼管勸農事江

與魯勸農 北則兼諸軍魯魯散府領勸農與魯與路同。選志至元二十年定蒙

古與魯官大翼萬戶下設與魯總管府從四品小翼萬戶下設與魯官從五品各千戶

與魯亦設翼魯官受院劄各千戶與魯不及一千戶或二百戶三百戶合併為千戶翼

受院劄 次子振 案集宋周臣生子詩云陶寧解語應須記即專云 太原路參

佐 元地志河東山西道襄寧路太祖十一年 次子撫 即叔綱已詳四卷常山箋又

略不 立太原路總管府大德九年改參佐未詳 長女真 已見御 程思溫

都省監印

元官志中書省錄屬監印二人 掌監視省印有中書令則蓋

史表

程思溫

見御史表寄耶律書卽端甫也案集有送端甫西行詩未知是否

次女嚴女冠

案集靈照詩注時女嚴在盧氏約歸字未至又寄女嚴詩又南

冠引云手寫千秋錄付女嚴答萬戶曹云西歸鹿泉值仲女病劇故是○山房隨筆元遺山北方文雄也其妹爲女冠文而艷那平章富樸欲娶之使人屬裕之辭以可否在妹以爲可則可張書自往訪之規其所向至則方自手補天花板輟而迎之張詢近日所作應聲答曰補天手段暫施張不許繼廢落蓮堂寄語新來雙燕子移巢別處竟離

梁張悚然而出家遺山無妹乃次女也南人傳說耳

次女順早卒案集有書贈第三女珍詩又孝女阿秀墓銘云二元好問第三女也卽此

次適

當卽叔閑見祭家廟文惟能填不同未詳

成和郎

元官志太醫散官成和郎從六品

大都惠民司提

點

又官志太醫院大都惠民局秩從五品中統二年始置受太醫院制

次適

案此女別無所見

建德路織染局大使

案元地志江浙行中書省建德路無織染局官志工部下順德路織染局大使彰德路織染入匠局大使宣德路織染提舉司無建德路建字當爲順字之譌

元遺山全集年譜

烏程施國祁北研訂

世系

系出

拓拔魏
姓元氏

遠祖結

唐禮部
侍郎

曾

父春

宋忠顯
校尉

祖

父滋善

金鉤
山令

母王氏

母趙氏

生

父德明

東巖
君

母王氏

元配張氏

長阿干叔儀

名撫元汝
州知州

好問裕之

子次寧兒叔開

名振元太
原參佐

繼

父格

隴城
君

繼配毛氏

季阿中叔綱

名德元都
省監印

母張氏

案集中有改類阿辛
詩以孟殤不錄失次

長真

增程
端甫

次嚴

女冠

女三珍阿秀

孟卒

四叔閑

增霍國才

次無名

增霍繼祖

案集中秋蠶詩云阿容阿璋墨滿面殆卽長真次嚴之小

名耶

又先生長子叔儀及女真女嚴女珍皆張夫人出叔閑叔網女叔閑及其次皆毛夫人出

年譜

紀年

章 明昌元年庚戌正月丙辰朔改元

時事

章紀三月乙亥初設應制及宏詞科

出處

先生一歲本集南冠引云生七月出繼叔氏胤城府君

詩文

宋光宗紹熙元年

明昌二年辛亥

宋光宗紹熙二年

明昌三年壬子

宋光宗紹熙三年

明昌四年癸丑

宋光宗紹熙四年

明昌五年甲寅

宋光宗紹熙五年

明昌六年乙卯

宋寧宗慶元元年

承安元年丙辰十一月戊戌改元

宋寧宗慶元二年

意紀十一月戊戌南郊大赦

二歲

三歲

四歲

南冠引云始讀書

五歲過濟南

案濟南行記云從

先君官按縣常過

濟南乙未秋七月

復一至雜詩云四

十二年彈指過只

疑來處是前生是

也

六歲

七歲

本傳云七歲能詩

古意詩云七歲入

小學郝經臺銘云太原王湯臣稱為神童

永安二年丁巳
宋寧宗慶元三年

永安三年戊午

宋寧宗慶元四年

永安四年己未

宋寧宗慶元五年

永安五年庚申十

二月癸未朔詔改

明年元

宋寧宗慶元六年

泰和元年辛酉

宋寧宗嘉泰元年

泰和二年壬戌

宋寧宗嘉泰二年

泰和三年癸亥

宋寧宗嘉泰三年

泰和四年甲子
宋寧宗嘉泰四年

八歲

南冠引云學作詩

九歲

十歲

十一歲

舉銘云從叔父官
冀州學士路宣叔

教之爲文

十二歲

十三歲

十四歲

本傳云從陵川郝

晉卿學藝銘云其

叔父爲陵川令從

先大父學

案是年先生本生

父東巖君卒詳附

錄本傳箋

十五歲

古意詩云十五學

泰和五年乙丑
宋寧宗開禧元年

泰和六年丙寅
宋寧宗開禧二年
蒙古太祖鐵木真元年

泰和七年丁卯
宋寧宗開禧三年
蒙古太祖二年

泰和八年戊辰
宋寧宗嘉定元年

時文續夷堅志載
陵川瑞花云先人
葬陵川子年始十

五

案陵川西溪詞詩

注云先君子宴游

西溪僕以童子侍

卽此時事

十六歲

新樂府摸魚兒詞

題序云乙丑赴試

并州

十七歲

十八歲

忻州天慶觀記云

年十八乃一歸南

冠引云十八先府

君教之民政

十九歲

蝶戀花詞題序云

鷹邱詞

蝶戀花詞

蒙古太祖三年

位

戊辰長安中作

衛大寧元年己巳
紹正月壬戌改元

王

宋寧宗嘉定二年
蒙古太祖四年

大安二年庚午
宋寧宗嘉定三年
蒙古太祖五年

大安三年辛未
宋寧宗嘉定四年

衛紀四月元太祖
來征元史太祖紀

二十歲

古意云二十學業

成兩山行記云二

十許時自燕都試

與客登南樓送秦

中諸人引云二十

許時以秋試留長

安中案示程孫詩

云生女四十年知

有為父樂詩為戊

申作長女生于是

年

二十一歲
南冠引云庚午隴
城府君卒官扶護
還鄉里余年二十
有一續夷堅志好
問年二十一侍先
君官隴城先人痘
發于醫用是捐館
二十二歲
案繫求序云年二

蒙古太祖六年

二月帝日將伐金

十餘住太原學舍
與吳慶俊庭英結
夏課于山義西齋
約在是年

崇慶元年壬申

正月朔改元

宋寧宗嘉定五年

二十三歲

蒙古太祖七年

至寧元年癸酉

五月改元九月

壬子宣宗改爲

貞祐元年

宋寧宗嘉定六年

蒙古太祖八年

宣宗貞祐二年甲

成

宗

宋寧宗嘉定七年

蒙古太祖九年

南紀八月朔沙虎
害上于邸九月甲
辰宣宗即位

二十四歲

南紀五月壬午徒

居汴京又四月河

東州縣亦多殘毀

中州趙元修城詩

注甲戌歲忻城陷

官復完治敏之兄

移云敏子二年三

月北兵屠城之禍

中州王萬鍾傳所

州破死者十餘萬

題石翁

二十五歲

與聽上人書云甲

戌歲南渡河年二

十有五

案虞坂行故物譜

皆云丙子奉母渡

河是年或以他故

先渡耶

又石翁詩題云避
兵陽曲北山之羊

貞祐三年乙亥
宋寧宗嘉定八年
蒙古太祖十年

貞祐四年丙子
宋寧宗嘉定九年
蒙古太祖十一年

興定元年丁丑
九月壬午改元

宋寧宗嘉定十年
蒙古太祖十二年

興定二年戊寅

宋寧宗嘉定十一年
蒙古太祖十三年

人時三月三日

宜祀五月庚申中
都城

谷杓在是年

二十六歲

二十七歲

虞坂行注云夏五月將南渡河道出虞坂故物譜云奉太夫人南渡河寓居三鄉十月避兵女几之三憚孫伯英墓銘云自太原南渡過伯英家登壽樂堂飲酒賦詩

二十八歲
錦機引云閑居池南閑閑真贊云以詩文見趙秉文

二十九歲

楊振碑

虞坂行 箕山元魯縣琴堂女兒山避兵送李長源 雪後招王贊飲 市隱齋記

論詩三首步虛詞 八月并州雁 錦機引

興定三年己卯

宋寧宗嘉定十二年

蒙古太祖十四年

興定四年庚辰

宋寧宗嘉定十三年

蒙古太祖十五年

興定五年辛巳

宋寧宗嘉定十四年

蒙古太祖十六年

三十歲

李女銘云三女阿

秀生子登封

三十一歲

中州王渥詩注云

六月望與雷希顏

李獻能同游玉華

谷

三十二歲

本傳云中第墓銘

云登第不就選

其同年如劉過李

國維趙端卿史元

李欽若欽用康瑞

敬鉉張夢祥董德

卿盧元王元禮郭

邦彥田錫趙璧焦

茂才△獻臣蘇邁

共十八人詳附錄

元集年譜

宣統三月己亥省
試總義進士考官
於常額外多放喬
松等十餘人李復
亨傳三月廷試進
士復亨監試進士
盧元謬誤監放及
第讀卷官禮部尚
書趙秉文翰林待
制崔禧歸德治中
時戢應奉翰林文
字程嘉善當奪三

薛明府去思口號
登封合薛明府去
思頌

西園五華谷分韻

得軍華二季還會

壽寺卽事

太原貢士題名引

玉華谷月夕醉飲

少姨廟得古仙人

詞二闕

簡希顏得英府記

室採花詞送欽叔

內翰家山歸夢圖

曹別仲澤

五

百降職復亨當奪
兩官

元光元年壬午

八月己卯改元

宋寧宗嘉定十五年

蒙古太祖十七年

元光二年癸未

宋寧宗嘉定十六年

蒙古太祖十八年

哀 正大元年甲申
正月戊戌

宗 朔改元

宋寧宗嘉定十七年

蒙古太祖十九年

宣紀十二月庚寅
宣宗崩辛卯哀宗
即位

三十三歲
中州辛愿傳云與
李欽叔在孟津

三十四歲

中州馮璧詩序云

春秋二仲月與馮

叔獻雷希顏游歷

崧少諸藍葉縣中

岳廟記云夏過崑

陽常君墓銘云過

鄭城

三十五歲

次澗詩注云春在

孟州閑閑贊云諸

公負其詞科趙揚

雷薦引十七章露

布注云五月應詞

科葺書記云相國
寺買書

懷叔能

總亭 度太白嶺

藥局記

中岳廟記 少林

藥局記

選希顏赴召西臺

孟州文淵 帝城

野菊二首 上左丞

詩 卽事免從軍

章宗城券行引

泰王擒寶建德降

王世充露布 擬

賀登寶位表 擬

立東宮詔 擬除
樞密使制 擬御

正大二年乙酉

宋理宗寶慶元年

蒙古太祖二十年

正大三年丙戌

宋理宗寶慶二年

蒙古太祖二十一年

元集年譜

三十六歲

吏部掾屬題名記

云儒林郎權國史

院編修官營巡記

同出京詩注史院

得告歸崧山侍下

杜詩引云夏自京

師還居崧山劉景

元墓銘云夏自京

師來哭其墓

三十七歲

新樂府滿江紅云

春在方城良佐鏡

翁云四月過汜南

續夷堅志王與陰

德云子在鎮平日

常過其家

宋除夜詩有云折

腰真有陶潛興又

云三十七年今日

史大夫讀書使

表擬除司農卿

詞

蝶戀花詞南京作

出京六月十日雨

芳華怨 又怨

吏部題名記 營

巡原署記 杜詩

學引 劉景元墓

銘 清涼相塔銘

出山 鎮平縣齋

再懷 又覓酒

又寄家 除夜

夏佐鏡銘 南陽

厚署上梁文

方城作滿江紅一

闕

過是年知爲鎮平
合至感懷云四十
頭顱半白生乃舉
成數耳

三十八歲
長慶泉新廟記云
爲內鄉合

三十九歲

正月晦日內鄉西
城游眺紀夢注云
七月二十四日內
鄉往盧氏宿走馬
平行齋賦云十月
長壽新居成
案是年先生太夫
人張氏卒詳附錄
墓銘箋

四十歲

東坡詩雅云在內
鄉阿干始生詩云
四十舉兒子

宿菊潭 半山亭
招仲梁飲 內鄉

縣齋書事
填雲墓銘

行齋賦 新齋賦

長壽山居 元夕

丙相挽章 又三首

長壽新居 西城游

眺紀夢 雜詩 觀

浙江漲 阻雨草堂

賦大雨 謝免從

事之辟 鄧相命

賦喜雨

浙江上作聲聲慢
詞

范寬秦川圖 阿

千始生

長慶泉新廟記東
坡詩引

正大四年丁亥
宋理宗寶慶三年
蒙古太祖二十二年

元史太祖紀二十
二年六月夏主季
昫降

正大五年戊子
宋理宗紹定元年
蒙古皇子拖雷監
國戊子年

正大六年己丑
宋理宗紹定二年
蒙古太宗窩闊台
元年

正大七年庚寅

宋理宗紹定三年

蒙古太宗二年

正大八年辛卯

宋理宗紹定四年

蒙古太宗三年

四十一歲

竹林記云四月子

開居空室

竹林派院記 孫伯英墓銘

四十二歲

鄧州新倉記云四

月官南陽舍宛丘

款注云七月按秦

陽跋田希顏銘云

八月二十五日與

王仲澤哭于藪樓

門外中州李汾傳

秋遇于襄城季女

銘其母張病歿

案新樂府離南陽

後三奠子詞有閑

余孤枕語又寄李

欽叔洞仙歌詞有

無復求凰語皆見

悼亡之意先生是

時母妻並歿尚未

續昏長女已嫁次

女入道所挈以赴

召入京者惟叔儀

出鄧州 宛丘數

京居 青頰詩

岐陽 送西信御

鄧州新倉記 華

駱敏士上銘 南

陽縣台題名記

希顏墓銘 贊皇

太宗銘

離南陽後作三奠

子詞

天興元年壬辰
正月庚子改元
開興四月甲子
改元天興
宋理宗紹定五年
蒙古太宗四年

哀紀三月壬寅元
兵攻汴城四月丁
巳遣戶部楊居仁
乞和丁卯汴京解
嚴六月庚申塞四
門以便守禦七月
甲申飛虎軍救北
使唐廣和請遂絕
十二月丙子朔事
勢危急甲申詔議
親出庚子七號南
京辛丑以白撒言
決議東行

與阿秀耳至懷秋
林詩云西南遙望
腸堪斷等句想因
守汴梁不能忘情
于內鄉者始以益
之兒一飛姬及次
女嚴輩尚在彼耶

四十二歲

移居詩云壬辰困
重圍阿秀銘云三
月朔三女秀卒白
撒傳云三月不自
安命省令史好問
撰乞休表台喜傳
云四月元兵圍攻
呼竹合史好問入
質歸德神云壬辰
七月秋芝左曹都
事良佐碑云官東
曹檢校都主事南
冠引云京城之圍
子為東曹都事閑
閑贊云冬以東曹

送浩然師 文舉

相過十二月車駕

東狩後即專

鎮南節度長佐碑

開闢公銘 商平

叔節 族祖處士

銘 季女阿秀銘

團城有懷浙江別

業作玉漏遲詞

天興二年癸巳
水理宗紹定六年
蒙古太宗五年

哀絕正月戊辰西
面心帥崔立舉兵
爲亂入省殺宰相
奴甲阿不入白太
后令衛王子從恪
爲梁王監國自爲
太師尚書令鄭王
遂送款大元軍前
四月癸巳立以梁
王從恪荆王守純
及諸宗室男女五
百餘人至青城皆
及于難甲午兩宮
北遷

元統年譜

據知雜權都司中
州引云馮子駿劉
光甫約爲此集以
圍城未暇盡錄詩
序命作石詩未及
案毛氏家訓跋云
向子在汴梁婦翁
提舉君云云先生
入京後當結配毛
夫人

四十四歲

蒲察琦傳云汴京
講議所右司都事
元好問領講議兼
看讀陳言文字錄
大梁事云正月廿
有一日執政召父
老士庶詣都堂省
掾元好問宣令告
諭且問便宜又次
日崔立舉兵入尚
書省省掾皆四散
匿民家李仲華圖
詩注云癸巳正月

併體雲香亭雜詠

十五首 四月出京
五月北渡續小娘
歌 五月十二日開
闢諱日作南冠行
夢歸 白屋 淮右
與張杜飲 秋夕
雜著 十二月六日
除夜
莊元吉墓銘 寄中
李女墓銘 寄中
書令耶律公書
中州集引

之變逆黨有謀書
已者繼仲華力爲
營護得釋錄大梁
事云次日立詣軍
前雖附令官吏士
庶皆削髮爲北朝
民以省令史元好
問爲左右司員外
郎蒲察琦傳崔立
變後令改易巾髮
謂好問曰今日易
巾髻在京人皆可
琦獨不可崔立碑
事云立自負救一
城生靈功謂左司
員外郎元好問曰
汝等何時立一碑
書我反狀數日執
政召予同麻信之
入省見首領官元
裕之曰鄭王救百
萬生靈功德誠可
嘉在京官吏父老
欲爲立碑屬之二

君其母讓又數日
被督促卽爲草定
付裕之又二日宰
執來召赴省途中
遇裕之騎馬索子
困劫以行會飲參
政幕中王丈在焉
日入告歸裕之曰
省門已鎖今夕留
宿省中燭至裕之
曰鄭王碑文今夕
可畢手也又裕之
落筆草其事王丈
曰此文姑使裕之
作以爲君作何妨
予曰裕之作政宜
其銘詞存于數語
碑序全裕之作也
裕之促曹益甫書
之卽于燭前焚其
藁

嗚乎先生此時俯
仰隨人不能奮身
一決遂至汗僞職

納降欵剃髮改中
甚而碑序功德幸
門一開他日臨川
東澗章得以藉口
而先生究非其倫
也此庄不辰尚何
言哉名職之累人
不敢爲先生諱
本集四月二十二
日寄耶律書二十
九日出京五月三
日北渡移居詩云
明年出青城
案汴京既下居民
四出名族皆自援
歸先生眷屬不獨
早爲耶律理索而
已緣毛夫人家與
蒙古滿城帥有連
先生與之爲宗盟
之俸藉其家必爲
萬戶張柔所扶護
而出且柔之獨取
亡金寶錄亦當爲

天興三年甲午
宋理宗端平元年
蒙古太宗六年

乙未
宋理宗端平二年
蒙古太宗七年

哀紀正月己酉帝
自總金亡匿立傳
六月李伯淵刺立
遂焉死

受先生指雖事不
藥見皆無可疑者
若先生則自就拘
晉同赴聊城矣

四十五歲
清真記云自大梁
拘管聊城南冠引
云拘管聊城下年
四十有五贊章詩
注三月寓聊城至
覺寺移居詩云去
年住佛屋

四十六歲
濟南序云春三月
送李輔之濟南行
記云七月過濟南

聊城寒食 贈周
良老 寶章小集
紀子正香園 續
揚平十愛 徐威
卿相過 卽事
望王李歸程 秋
夜 喜彥深過聊
城 除夕
五翼總傾鄧 清
真觀記 叢書後
記 跋名公書

正月九日立春
移居八首 杏花
落後 三仙祠
歷下亭 舜泉
華不注山 縉江
有懷 濟南雜詩
十首 題解飛卿
卷 追錄莘縣

丙申

宋理宗端平三年
蒙古太宗八年

丁酉

宋理宗嘉熙元年
蒙古太宗九年

戊戌

宋理宗嘉熙二年
蒙古太宗十年

四十七歲

東游略記云三月游泰山中州韓玉傳云夏居冠氏東坡引云九月寓陽平

四十八歲

續夷堅志云春何道士來陽平謁子輿福記云秋見淨女于山陽昭禪師引云八月自大名還太原遷然子銘云冬復來冠氏

四十九歲

傷寒引云夏將還太原范師真贊云夏過東平留宿正

夢中作 煥然生子

戲題新居

紫虛大師碑

代冠氏壁記 濟南行記 送李輔之序

游泰山 龍泉寺 登珂山寺 贈馮丙翰

東游略記 故物譜 東坡樂府引

游黃華山 野谷道中 太原 外家

南寺 贈郝經 十二月十六日還

冠氏 范文正真贊 與福禪院記 昭禪師引

雨夜 再到新衛 別李周卿 別冠氏諸人 入濟源

寓舍 十月山陽

乙宮通仙記云秋
客濟上別冠氏詩
云八月二日題學
易帖後云八月六
日入濟源詩云八
月二十二日十月
詩云在山陽

五十歲

元日詩云五十未
全老野史才張本
老人星贊云正月
過濟濟祠燕子圖
序云秋七月于宋
文通家得傳本看
月詩云十一月十
三日讀書山雪晴
夜半

五十一歲

中州滕茂實傳云
春自山東還鄉里

夜雨 太乙蓮舟
圖 游天壇十三
首 范師真詩
冠氏先塋碑 通
仙記 傷寒會要
引 范師真贊
題學易帖後

元日發濟源 初

擊家還讀書山
又雪中 雜花七
首 倪莊中秋
送楊次公 九日
讀書山十首 東
龔春月 明日作
老人星贊
濟源杏花清平樂
詞

南廡賦杏花二首

三月十日作 七月
十六日送馮揚善
東平行臺碑 內

翰馮公銘 千戶
趙侯碑 遠然子

己亥

宋理宗嘉熙三年
蒙古太宗十二年

庚子

宋理宗嘉熙四年
蒙古太宗十二年

辛丑

宋理宗淳祐元年
蒙古太宗十二年

壬寅

宋理宗淳祐二年
蒙古太后乃馬真
稱制元年

癸卯

宋理宗淳祐三年
蒙古乃馬真二年

五十二歲

故帥表云元日飲
于家之養素園張
公先德碑云居順
天

五十三歲

晨起詩注云時欲
經營神山別業感
興注云夜宿讀書
山作集驗方引云
冬閑居州里

五十四歲

杏花詩注云二月
居讀書山病中注
云四月二十一日
晨起臨錦記云八
月觴于燕之臨錦
堂趙州記云八月
過廣源中舊詩注

碣銘

代州南樓二首

答公茂

故帥閻侯表 郝

先生銘 范陽先

德碑 忠武任君

銘

晨起正月九日感

與鄧運哀挽跋

紫微山水四首

寄庵碑 夾谷銘

郭明府碑 惠遠

外門記 集驗方

引

杏花 病中 宿

中臺道院 水簾

記異 洪谷 聖燈

黃花峪十首 寶

巖紀行 宏州贈

曹丈子玉 出都

二首 別緯文 尼

通奉趙公碑 武

甲辰
宋理宗淳祐四年
蒙古乃馮真三年

元集年譜

云八月望日水簾
詩注云九月四日
饒谷詩注云九月
五日張公表云九
月客燕中答大用
書云從來使到燕
中通元碑云冬自
燕中還太原道出
范陽太古記云冬
過慶源館太古堂
自燕都南歸徵君
表云冬自新興枉
道過宏州

五十五歲
壽陽學記云春歸
自燕雲道壽陽兩
山行記云夏五月
至灤縣游兩山黃
葵詩序云秋在洛
陽吳君阡表郭君
墓表云冬過洛西

廟署令銘 臨鎔
臺記 趙州學記
朝列張公表 丙
翰王公表 龍山
新塋碑 輔國康
公碑 道元大師
碑 太古觀記
太古堂銘 中令
祭先妣文

三月且日 前高
山雜詩 五月積
雨道悶 秋畱別
丹陽 秋過寂通
庵別陳丈 天涯
山 榜庵 桐川
與仁卿飲
壽陽學記 天池
祈雨狀 兩山行
記 潯河渠堰記

十一

乙巳
宋理宗淳祐五年
蒙古乃馮真四年

丙午
宋理宗淳祐六年
蒙古定宗貴由赤元年

丁未
宋理宗淳祐七年
蒙古定宗二年

五十六歲

與白兄書云往河
南舉母夫人旅殯

題名記云秋游崑
山祠祭酒碑云冬

過大名雲巖詩序
云十一月來東平

過張聖與家聖像
贊云十二月拜林

廟

五十七歲

胡公碑云過彰德
徵君表云秋居鎮

州與白兄書云七
月廿三日得足痠

五十八歲

藏雲表云眷居忻
州寒食詩云歸自
三泉圓明表云夏

顯武吳君表 廣

感事 舊國 為

鄧人作詩 過三

嶺 雲巖 九月

阜紀行十首 曲

東部張公碑 無

馮公碑 紫微觀

燕子圖詩 九日

詞 喬敢胡公碑 龍

寒食 酬李邦直

送邦彥北行 哭

曹子玉 西山歸

居新興

五十九歲

示程孫詩云過南宮司農表云九月過寧晉

六十歲

石嶺關詩云四月十四日小亭序云八月居鎮州信武

肝表云九月末燕都中州後序云秋始刻毛氏跋云冬自燕還木庵序云十月將歸太原

六十一歲

天慶記云二月自鎮州還忻州蒙求序云五月過鎮陽營建記云七月過順天家廟文云八

順天家廟文云八

前元觀記 圓明

墓安 藏雲墓表 曹徵君表 與白

樞州書 程孫詩 南宮廟學文 清

真營建記 司農 墓表 度石嶺關 嘉議王公碑 桓

州馬君碑 信武 曹君表 真定學 記 三魚志記 小

葦集序 木庵集 序 孔道輔笏銘 毛氏家訓跋

百題中州五首 玉峰哀挽 天慶尊師表 順

天營建記 友山 葦記 蒙求序 陶然集序

戊申

宋理宗淳祐八年 蒙古后海迷失穢

制元年

己酉 宋理宗淳祐九年 蒙古海迷失二年

庚戌

宋理宗淳祐十年 蒙古海迷失三年

月爲四女擇婿

湧金亭詩

辛亥

宋理宗淳祐十年
蒙古憲宗蒙哥元年

年

壬子

宋理宗淳祐十一年
蒙古憲宗二年

張德輝行狀云壬子公與元好問北觀世祖于潛邸奉啟詩世祖爲儒教太宗師王悅而愛之

六十二歲
赤壁賦後云五月來太原宿大悲僧舍常君銘云九月自太原東來鄜城續夷堅志云冬游順天抱龍巖寶教院

癸亥 九月未見
菊 常仲明挽詞
真定南君銘 善
入白公表 順天
第二碑 天慶功
德記 祭家廟文
題開闢赤墀賦後

六十三歲
送高雄飛序云七月廿七日入都東平硯云十月居鎮陽千秋錄記云十月自真定來東原贈詩云過蕭漢傑于東原阿平詩云客須城

癸亥 月夕 賀
中庸老 游承天
寺懸泉 贈蕭漢傑
張聖與子制
東平祠堂碑 蘇
彥遠銘 通奉張
君碑 御史張君
表 府心先生銘
丞相劉氏先塋碑
送高雄飛序 賈
氏千秋記

癸丑
宋理宗寶祐元年

六十四歲
致樂堂記云夏以

送蕭夢臣北上陵
川西溪圖 與啟

蒙古憲宗三年

甲寅
宋理宗寶祐二年
蒙古憲宗四年

乙卯
宋理宗寶祐三年
蒙古憲宗五年

事來燕都黃華碑
云六月客燕中宣
武碑云冬以行臺
召東來

六十五歲
故關道中詩云正
月秋澗口誦云二
月自沐北歸答曉
上人書云四月末
自太原來鎮州寓
和尚序云七月自
清涼還太原寄詩
云十二月出鎮陽

六十六歲
壽聖記云夏來燕
城畢侯碑云八月
自鎮陽來十一月

鼎臣同宿願天份

舍
王黃華碑宣武
孫君碑致樂堂

記靈泉燕集序
楊水集引商氏

千秋錄跋開闢
詩後跋劉尊師

山水跋開闢草
書又和草詩後

故關三首 羣山
雜詠十六首 九

月四日寄辛魯伯
十日作

和尚頌序 新
軒樂府引張仲

經集序 跋蘇父
子墨跡 答聰上

人書
二月廿一日歸自

汴梁 偶記內鄉
一詩 端四日感
懷 鎮州 劉時

往鎮州

舉節制雲南
濮州學侯碑
東平學記
壽聖碑
院記
陸氏通鑑
詳節序

丙辰

宋理宗寶祐四年
蒙古憲宗六年

六十七歲
游龍泉詩云九月二十六日廉訪碑
云十月居西山鹿泉

龍泉 贈司天王子正
廉訪使楊公碑
中頌張君碑
許汾陽詩後
東坡和詩後
跋

丁巳

宋理宗寶祐五年
蒙古憲宗七年

六十八歲
杏花詩云二月二日居張邨壽家記
云七月將西歸邨
氏墓銘云秋九月卒于獲鹿寓舍馬
與歸葬秀容縣繫
舟山下

杏花
告山師塔銘
東阿鄉賢記
吳辯夫壽家記
如庵詩文序
琴辨引

遺山先生親見國亡所欠惟一死耳始讀此集輒擬論著特不敢以後學妄議前賢久之次為年譜知其必不死者
冬狩詩云何時

爭得攜家去萬里秋風一釣船圍城云明年也作江鷗去水宿雲飛共一天仲華云若非脫兔投林了何處而今更有詩固自有在誠以國史

存亡一也知交淪歿二也且才名一世自處不碌碌避兵詩云世故驛人

真有力天工困我豈無心第不見知于君上簿書佐領滯于常調出山詩云少日漫思爲世用中年直欲伴

僧自楊趙密公故後朋好皆散之四方存沒不可知其在上

者努申阿不白撒合喜輩庸姦誤國不堪其事圍城中無一

知已在逮崔立變起手無大柄反以虛聲屢招實禍抑遜悶

極矣北渡之後才名照耀無出其右一時推爲碩果仰爲宗

工又蒙古貴臣如耶律楚材爲故交張柔爲僚壻嚴實史天

澤趙受之趙天錫等爲新知皆愛才下士咸交書幣四方碑

版爭趨其門而先生聲光雖振貧困自如卽事云已被吳中喚僉父卻來河朔作災兒與鄰人

云題詩未要題名字今是中原一布衣道中云公餘姓氏當時輩不教便寒趨路傍周旋之間不過商訂金石評論

詩文而已無他望也所致意者惟私錄之赴告風雅之散亡

惓惓於流離遷徙之中寓訪逸徵聞之意庶幾野史亭中成此一編一集冀以盡忠本朝補救于萬一其力良勤其心良苦其志亦良可悲已足譜止据詩文大畧可攷者按年載入不敢曲加附會比年歛中凌次仲氏亦有此作惜僅見其目無由參訂噫推波助瀾得諸同好增華踵事望諸後來我其爲嚆矢乎爲濫觴乎

全謝山論甘露碑事以先生在圍城何不早去此手豈可使著賊不知遺山重名與張正倫等爲崔立採望授官轅駒促縮何處可逃趙雲松論先生云事有干涉與崔立情分素熟夫反狀一語明挾威制刀鋸滿前情分安在謝山又以碑文中先太師先東平之稱爲降辱大抵因朝臣所諱係後人所改雲松作詩又有國家不幸詩家幸一語人生至於零落栖

遲呼天搶地悲憤從血性中流出恐無此心要之先生有志

恨之辭

移居詩云公悲龍髯絕六頁魚腹藎置雖良有餘終身志戀制

有解嘲之句

題真詩云幽湖有冰舍太古無人和玉試淇爐山林

且假遊此去莫問人間第幾流

自悲身世已不願爲第一流人品量自定矣至其

晚年見元世祖于潛邸卒以終身不仕比之集中諸人如陳時可楊正卿徐世隆李輔之王萬慶李洽王鶚輩有間矣區區碑事乃先生之不幸也何足以累先生哉因全趙二論附辨于此

先生師友游從中其年齒有可考者党懷英長

五十六歲

王黃華

三十九歲皆不及見賈益謙長

四十六歲

許道真

三十三歲

蕭真卿

二十一歲

趙閑閑

王德新一

三十一歲

郝天挺秦簡夫

二十九歲

馮叔獻

二十八歲

楊之美

二十一歲

曹子

玉

十七歲

王從之

十六歲

馮延登李俊民

十四歲

李屏山

十三歲

常仲明

十二歲

張特立趙濟甫

十一歲

李仁卿孫伯英趙端卿

十歲

魏邦彥劉雲卿

十歲

魏邦彥劉雲卿

十歲

魏邦彥劉雲卿

十歲

魏邦彥劉雲卿

十歲

魏邦彥劉雲卿

程威卿

九歲

史邦直

八歲

麻知幾

七歲

雷希顏康伯祿

六歲

劉景元王仲

澤商平叔楊煥然

四歲

秦彥容

二歲

王元卿

一月

○田紫芝少

一歲

李長

源李欽叔冀京父

二歲

王元禮李欽用

五歲

張仲經

六歲

房希白

八歲

王

元粹

十二歲

劉京叔

十三歲

王飛伯

十四歲

郝伯常

三十歲

至劉靜修少

五十歲

九歲

吳草廬同亦不及見志之略見當時行輩

行中止書字號不列名取易曉也

元遺山詩集箋注卷一

元張德輝頤齋類次

後學鳥程

施國祁北研箋
蔣炳枕山校

古賦

秋望賦

步裝回而徒倚放吾目乎高明極天宇之空曠閱歲律之崢嶸於時積雨收霖景氣肅清秋風蕭條萬籟俱鳴菊鮮而散花雁杳杳而遺聲下木葉於庭泉動砧杵於蕪城穹林早寒陰崖澹冥濃澹霏拂繞白紆青紛叢薄之相依浩霜露之已盈送蒼蒼之落日山川鬱其不平瞻彼輶轅西走漢京虎踞龍蟠王伯所憑雲煙慘其動色草木起而爲兵望崧少之

霞景渺浮丘之獨征汗漫之不可與期竟老我而何成挹清
風於箕穎高巢由之遺名悟出處之有道非一理之能并緊
南山之石田維景畧之所耕老螭盤盤空谷淪精非雲雷之
一舉將草木之偕零太行截天大河東傾逸神州於西北怳
風景於新亭念世故之方殷心寂寞而潛驚激商聲於寥廓
慨涕泗之緣纒吁咄哉事變於已窮氣生乎所激豫州之士
復於慷慨擊楫之誓西域之侯起於窮悴備書之筆諒生世
之有爲寧白首而坐食且夫飛鳥而戀故鄉發婦而憂公室
豈有夷墳墓而剪桑梓視若越肥而秦瘠天人不可以偏廢
日月不可以坐失然則時之所感也非無候蟲之悲至於整
六翮而睨層霄亦庶幾乎鷲禽之一擊

輓轅

晉于轅下之族謂路形若轅而又
輓轅轅氏東南有輓轅道是也

景畧

晉書載記王猛傳字景畧劇縣
人隱于華陰山懷佐世之志

擊

晉書祖逖傳字士稚范陽人元帝拓定江南未遑北伐逖遺說之以爲豫州刺史將部曲百餘家渡江中流擊楫誓曰不能清中原而復濟者有如大江詞色壯烈

秉皆備書

後漢書班超傳字仲升扶風平陵人家貧爲官傭書嘗投筆嘆曰大丈夫當效傅介子張騫立功異域以收封侯安能久事筆研間乎

蒲桃酒賦

并序○樓鑰北行日錄館伴使送蒲桃酒○元文類楊果羽林行明昌泰和承平久北人服飲蒲桃酒○元世祖紀中統二年

六月勅平陽路安邑縣蒲桃酒自今毋貢○案遼史穆宗紀應祿二年漢進蒲桃酒元世祖紀至元十三年九月辛未廟常饗外益蒲桃酒都祀志今有蒲桃酒與尚稷馬渾各祭一爵爲三酒又牲齊庶品至元十七年始用蒲桃酒此遠元兩朝皆有是酒惟金源自大石占立西遼以後西北之貢久絕故讀竟九朝史事無一言及蒲桃酒者其待南使率尚金擺酒其備大享皆用香藥酒卽中州所載歷朝詞人詠調酒亦不見一字樓氏北行錄楊氏羽林行云云都非費事遠其未造解州安邑乃有此法所以先生此序有世無此酒久矣之語是縣或元初入貢而世祖中統初有勅罷之豈非以西域進酒故耶

劉鄧州光甫爲子言吾安邑多蒲桃而人不知有釀酒法少日嘗與故人許仲祥摘其實并米炊之釀雖成而古人所謂甘而不飴冷而不寒者固已失之矣貞祐中鄰里一民家避寇自山中歸見竹器所貯蒲桃在空盎上者枝蒂已乾而汁

流盎中薰然有酒氣飲之良酒也蓋久而腐敗自然成酒耳
不傳之秘一朝而發之文士多有所述今以屬子子寧有意
乎予曰世無此酒久矣子亦嘗見還自西域者云大石人統
蒲桃漿封而埋之未幾成酒愈久者愈佳有藏至千斛者其
說正與此合物無大小顯晦自有時決非偶然者夫得之數
百年之後而證數萬里之遠是可賦也於是乎賦之其辭曰
西域開漢節迴得蒲桃之奇種與天馬兮俱來枝蔓千年鬱
其無涯斂清秋以春煦發至美乎胚胎意天以美釀而飽子
出遺法於潭埋索罔象之元珠薦清明於玉杯露初零而未
結雲已薄而成裁挹幽氣之薰然釋煩惱於中懷覺松津之
孤峭羞桂醕之塵埃我觀酒經必麴蘖之中媒水泉資香潔
之助秣稻取精良之材效衆技之畢前敢一物之不借艱難

而出美好徒醜毒之貽哀繫工倕之物化與梓慶之心齋既
以天而合天故無桎乎靈臺吾然後知珪璋玉毀青黃木災
音衰而鼓鐘味薄而鹽梅惟擇殘天下之聖法可以復嬰兒
之未孩安得純白之士而與之同此味哉

劉鄧州光甫

中州集祖諱字光甫安邑人承安五年進士歷州縣有政跡拜監祭御史以類直稱其不能俯仰世好蒼天性然也正大初爲右司

都事除武勝軍節度副使召爲翰林修撰家多藏書金石遺文略備父東軒工畫山水故光甫以鑿裁自名至于信筆作簡牘尤有可觀一時名士如雷御史蕭李翰林欽叔王右司渥皆游其門得人一詩可傳必殷勤稱道惟恐不聞人以此稱之子敏仲今在平陽○歸潛志劉翰林祖諱字光甫解州人少擢第爲吏有聲由寧陵令丁父憂數年不調前渡召爲大理司直拜監祭御史出爲河南府判官再召爲翰林修撰遭亂北遷爲兵士所殺公博學通佛老百家書從趙閑閑字屏山諸公游甚爲所重談論盛衰不窮援筆爲文奇士也嘗請屏山誌其父墓屏山以事廢命于代焉銘辭屏山華也迫屏山及公以文祭有曰鳳不足以言瑞龜不足以效靈吾視之其猶龍也詔公稱之與子父子交嘗囑子作蒲桃酒賦并題其父所畫河山形勢詩亦一知已也

安邑

史地志河東南

西域蒲桃

史記大宛傳張騫使

月支歸爲天子言曰大宛去漢可萬里其俗有蒲桃酒多鬱馬○漢書西域傳大宛左右以蒲桃爲酒富人藏酒至萬餘石宛王遣了入侍歲獻天馬二匹漢使采蒲桃首宿種歸種難宮

罔象

莊子黃帝游乎赤水之北登乎昆侖之邱遺其元珠使罔象而弗得使離朱索之而弗得使口詭索之而弗得也乃使象罔象罔

得清明玉杯

漢書董仲舒傳說春秋事得大玉杯繁露清明竹林之屬數十篇顏師古注云皆其所注書名今繁露中有玉杯竹林二篇

臺

莊子靈臺者有特注心也

木災

韓退之祭柳子厚文

揮殘

又揮殘天下之聖法而民始可與論議

新齋賦

并序。本集七卷長安新居詩高樹表新齋。新樂府有長壽新齋水調歌頭詞

予既罷內鄉出居縣東南白鹿原結茅菊水之上聚書而讀之其久也優柔厭飫若有所得以爲平生未嘗學而學於是乎始乃名所居爲新齋且爲賦以自警其辭曰

新之爲說也在金曰從革在木曰從斤丘陵爲山而惡乎畫履霜堅冰而致於馴猶之於人則齊魯有一再之漸狂聖由念否之分唯夫守一而不變者不足以語化化之爲神拊陳迹以自觀悼吾事之良勤失壯歲於俯仰竟四十而無聞聖謨洋洋善誨循循出處語默之所依性命道德之所存有三年之至穀有一日之歸仁動可以用萬物而濟天下靜可以

崇高節而抗浮雲曾出此之不知乃角逐乎空文俚北轅以
適楚將疇問而知津揜虛名以自夸適以增頑而益囂我卜
我居於浙之濱方處陰以休影思沐德而澡身蓋嘗論之生
而知困而學固等級之不躡憤則啟悱則發亦愚智之所均
齋戒沐浴惡人可以祀上帝潔己以進童子可以遊聖門顧
年歲之未暮豈終老乎凡民已焉哉孰糟粕之弗醇孰土苴
之弗眞孰味爽之弗旦孰悴槁之弗春人安知温故知新與
夫去故之新他日不爲日新又新日日新之新乎

縣東南

案二十七卷仲經詩
集序作縣西南侯考

鹿原菑水

七卷長壽新居云菑水引新芽自注
地名白鹿原長壽郡○新樂府白鹿

原新齊作
蝶戀花詞

北轅

申鑒先民有言適楚而北轅者曰吾馬良
用多淹善止三者益修其去楚亦遠矣

行齋賦

并序○本集三十七卷仲經詩集序是年出居縣西南曰鹿原名
所居爲行齋取素養賤行貧賤之義○新樂府新表情云行齋活

計五

車書

戊子冬十月長壽新居成仲經張君從子卜鄰得王氏之敗
屋焉環堵蕭然不蔽風日君爲之補罅漏治蕪穢蓋十日而
後可居葦門圭竇故事畢舉取君子素其位而行之義名曰
行齋而乞文於予予以爲士之貧至於君極矣無祿以爲養
無田以爲食無僮僕爲之負取無子弟爲之奔走無好事者
爲之謀緩急而助薄少率貲無旬日計泰然以閉戶讀書爲
業不以爲失次而以爲當然不以爲怨不以爲憂而又且以
爲樂也然則不謂之無媿其名也而可乎廼爲賦云
賦分在人如物有常反鶴與鳧無益短長力有可求勝天不
祥福不盈睫一敗莫償莫難養心操存舍亡出入無時兮莫
知其鄉飽饑有時而激怒兮殆豺虎之貽殃我思古人動靜
有方靜以養虛剛以作強辱以處汗愚以退藏屹中立而不

倚邈橫潰而獨障直釣磻溪之魚禿節單于之羊有漆身以爲厲自被髮而爲狂仕汙世而執翻徇殊俗而解裳太阿存兼善之達組袍有不求之臧唯夫長劔大冠以揖讓人主之前者若固有故木食澗飲雖至於勞筋骨而餓體膚者爲無傷古有之居不隱者志不廣身不抑者志不揚士固有遯世而不復見然愈揜而愈彰南山蒼蒼北風雨霜有蘭不彫俟春而芳偉哉造物又將發吾子之幽光耶

仲經

元史張孔孫傳字夢符其先出遼之烏古部爲金所併遷隆安父之純官東平府參議○本集二十四卷張君墓銘水張澄仲經狀其先人博平君行

事乞銘仲經學精而行修聲光燭然高出時輩隆安張氏遂爲海內文章家○又三十七卷詩集序仲經早以詩文見稱于官西商仲經借杜仲梁麻信之高信卿康仲序舉

家款子內鄉時劉內翰光甫方

鶴鳧短長

莊子駢拇篇見脰雖短絃之則發鶴脰雖長斷之則悲故性長非所斷性短非

解鄆州倅日得相從文字間

長劔大冠

國策田單攻狄三月不克齊人語曰大冠若其長劔挂頤攻狄不能下墨枯邱

續豢虎

列子豢虎之法時其飽飢達其怒心

阿

原注太阿卽阿衡見文選案潘安仁楊荊州誅周賴尚父殷憑太阿

五言古詩

箕山

地志南京路河南府登封縣有箕山。○史本傳業成下太行渡大河爲箕山琴臺等詩禮節趙乘文見之以爲近代無此作也

幽林轉陰崖鳥道人迹絕許君棲隱地唯有太古雪人間黃
屋貴物外祇自潔尚厭一瓢喧重負寧所屑降衷均義稟汨
利忘智決得隴又望蜀有齊安用薛干戈幾蠻觸宇宙日流
血魯連蹈東海夷叔采薇蕨至今陽城山衡華兩巨堦古人
不可作百念肺肝熱浩歌北風前悠悠送孤月

棲隱

皇甫謐高士傳許由遁耕于中岳颯瓜喧逸工傳許由隱箕山以手捧水而水之上箕山之下終身無經天下色瓢喧逸工傳許由隱箕山以手捧水而飲人遺一瓢得以取飲飲訖挂于

樹上風吹歷歷作

聲尚以爲煩去之

案此詩爲先生南渡後得名之作是時南宋道學進流于此謂爲學楊趙提衡于上李味譚論於下詩

中四語得名似在此偶閱錢西樞評本直以爲詩快之在西樞固專以論詩或疎于論世而遺山未免曲售時好以博才名迄今細味四語未見切題先生詩筆之妙全不在

此其神韻之美子周德卿有云文奉工外而拙內者可以驚四筵不可以適獨坐此語千載不誣也張頴齋以此詩于首亦屬飲名之辨識之以論知言者

莊子則陽篇有國于蝸之左角者曰觸氏有國于蝸之右角者曰蠻氏時相與爭地而戰伏尸數萬逐北旬有五日而後返

陽城

左傳因許三陰陽城太室荆山

終南九州之險也。高士傳許由沒葬箕山之顛亦名許由山在陽城之南十餘里。蔡因號曰箕山神以配五岳。

緱山置酒

河內緱山文叔獻雷兒希顏賦詩分韻得實字。地志南京路河南府偃水縣有緱氏山。樂府有緱山夜飲水調歌頭詞。

中州集馮內翰壁傳字叔釐真定人承安二年進士歷州縣召拜翰林再為曹郎宣宗朝廢以便指鞠大減幼有重名就其所長論之館閣盡疎與賓客言乃其憲也徒以小心奉法不畏強禦故廢以嫉且書屈之說者有用違其長之歎與定未以向知集慶軍節度使致仕居崑山龍運者十餘年請生從之游與四方聞道者不絕賦詩飲酒放浪山水間人望以為神仙馮又其漫賦詩序云元光間予在上龍潭春飲二仲月往往與元童游歷崑山諸菴即此。又雷御史淵傳字希顏澤源人崇慶二年進士甲科釋褐涇州錄事徐州觀察判官召為刑王府文學兼記室參軍韓應奉翰林文字同知制誥兼國史院編修官拜監察御史以公事免用宰相侯舉薦除太學博士還應奉終于翰林修撰。乘馮當並詳本集墓銘。

靈宮肅清曉細柏含古春人言王子喬鶴馭此上賓白雲山
蒼蒼平田木欣欣登高覽元化浩蕩融心神西望洛陽城大
路通平津行人細如蟻擾擾爭紅塵蓬萊風濤濤深鬢毛日夜
新殷勤一杯酒媿爾雲間人

王子喬

列仙傳王子喬者周靈王太子晉也好吹笙作鳳鳴道士浮邱公接以上嵩高山三十餘年後人求之于山上見桓良曰告我家七月七日待我于

緱氏山巔至時果至乘白鶴駐山頭望之不得到舉手謝時人數日而去立
祠于緱氏山下及崧高首焉○太平寰宇記王子喬壇在緱氏縣東南六里

同希顏再登箕山

千年箕山祠蘿逕深以悄桂樹不復見禿籜餘秋篠盤盤盡
絕頂石象平木杪長風萬里來筋骸覺輕矯側身望巖竇解
衣憇林表是時夏春交野色亂青縹川光乍明滅地脈互縈
繞岡巒蟻垤出井邑蜂衙擾紅塵洛陽昏白雲太行曉元功
信冥漠一覽疑可了悟彼東山人胸中魯宜小

石象

史記作夷傳余登箕山
其上蓋有許由象云

光武臺

東南地上遊荆楚兵四衝游子十月來登高送長鴻當年赤
帝孫提劍起蒿蓬一顧潢水斷再顧新都空雷霆萬萬古青
天看飛龍歸然此遺臺落日荒煙重誰見經綸初指揮走羣

雄白水日夜東石麟幾秋風空餘廣武歎無復雲臺功

湍水

後漢書光武紀湍川盛溢注水經曰湍水出南陽魯陽縣西堯山東南徑昆陽城北東入汝水

雲臺

又馬武傳後論曰永平中顯宗追感前世功臣

乃圖畫二十八將于南宮雲臺

潁亭畱別

同李治仁卿張肅子敬王元亮子正分韻得肅字。唐文粹陳寬有潁亭記

故人重分攜臨流駐歸駕乾坤展清眺萬景若相借北風三日雪太素乘元化九山鬱崢嶸了不受陵跨寒波淡淡起白鳥悠悠下懷歸人自急物態本閑暇壺觴負吟嘯塵土足悲咤迴首亭中人平林澹如畫

李治仁卿

蘇天爵名臣事略內翰李文正公碑名治字仁卿真定欒城人金正大末登進上第壬辰北波居太原藩府交辟皆不就至元二年召拜翰林

學士明年以疾辭歸居元氏之封龍山十六年卒年八十八詳寄庵銘

張肅子敬

敬齋古今雜子姪炳張子敬。秋澗集張子敬提刑挽章攬轡南來

擬拜君逢人忍以訃音聞採芡有志遺深愛博物何心泥口文御月儘輝丞相府史評當策竹書勳不須更聽西風笛愁滿西山日暮雲注云至元十五年六月十五日卒在河

南時作塞上曲云對月笛中起愴然傷我情秋風一萬里都向笛中生逢憐漢軍口掩淚下邊城又云爲北軍行省郎中時會球撥驅戶三百餘家

王元亮

子正

中州集王元粹字子正初名元亮後止名粹平州人系出遼世衣冠家年十八

資叙爲南陽酒官遭亂寓襄陽破後身北歸寄食燕中遂爲黃冠師有十月風霜
侵病骨數家鍼線備殘衣之句親舊有憐其孤苦從爲之更娶者子正業已高舉主太
極道院竟不能自返年四十餘癸卯九月病卒詩人潘川楊叔能挽之云匹羸主中饋
雖貧生理存五言造平淡斐影射黃昏覆下陳番榻虛沾文舉樵北平家世絕銜恨入
荒原從弟鬱亦攻詩方之其兄蓋商周矣。甘水仙源錄怨齋先生姓王氏名粹字子
正北平之巨族也才高而學識少有詩名每一詠出贈炙人口然與世疎澗不事舉業
正大間游鄧下漂泊江漢間甲午至燕遇道常大宗師即北面事之執弟子禮居長
春宮之萃元堂年四十餘以癸卯九月無病而逝不俟旬而見夢于波明張君其云爲
歎曲不與平昔少焉作詩而別云當時每恨花開早及看花開人已老花落花開能幾
何回頭又見春光好詰且誠明書見夢之詩白于真常真常曰子正仙矣聞者異之先
生爲人性恬淡無機搢廉潔貞介與人交悉待之以誠間有道行者雖窮居陋巷必親
之嗜讀書作文尤長于詩其古詩雅淡有陶韋之風焉。中州集載其詩本有得子正
書詩。陵川集太極書院記庚子辛丑間中令楊公當國請雲夢趙復爲師備右北平
王粹佐之選俊秀之有識度者爲道學生又有與北平王子正先生論道學書又哀子
正詩鹿去中州道不行先生今日死猶生長醉萬里湖風急獨鶴一天秋月明擬見斯
文還太極遽收浩氣返元精世無程邵知首少雲黯燕山恨不平注時方作太極書院
未畢。元一統志長春宮前有觀。九山 案程報穀告成少室大箕
日元禱北平王元粹記其本末 大隄大熊大茂具茨是也

隱亭

宣和書譜王毅正叔居鄆城邑之南城有小亭下臨隱水
榜曰隱亭南通淮蔡北達箕穎川原明秀甚類江鄉景物

春物已清美客懷自幽獨危亭一徘徊翛然若新沐宿雲淡

野川元氣浮草木微茫盡楚尾平遠疑杜曲生平遠游賦吟
諷心自足揭來著世網抑抑就邊幅人生要適情無榮復何
辱乾坤入望眼容我謝羈束一笑白鷗前春波動新綠

杜曲

雍錄樊川草曲東十里南杜北杜杜國謂之南杜杜曲謂之北杜杜甫詩自斷此生休問天杜曲幸有桑麻田

出京

史院得告歸西山澆溪紉詞

從宦非所堪長告欣得請驅馬出國門白日觸隆景牛生無
根著飄轉如斷梗一昨隨牒來六月阻歸省城居苦湫隘羣
動日蛙黽慚媿山中人團茅遂幽屏塵泥免相澆夢寐見清
穎矯首孤飛雲西南路何永

長告

漢書丙吉傳字少卿魯國人居相位尚寬大好禮讓緣史有罪賊不稱職輒子長休告終無案驗

蛙黽

周禮秋官蟪氏掌去蛙黽注齊魯之間謂

蛙爲黽也取黽也怒鳴爲聒人耳故去之。杜甫詩碣石歲時嗟天地日蛙黽又云世復輕驕驕吾甘雜蛙黽

元魯縣琴臺

本傳琴臺已見箕山注。唐書元德秀傳字紫芝家貧求爲魯山令太守待以客禮。顏魯公集有魯山縣琴臺詩

記爲元德秀作。金石錄元魯山
琴臺記大中七年朱整撰正書

荒城草木合破屋風雨侵千年一琴臺
睠焉涕盈襟遺愛食縣社公寧不堪任
此臺卽甘棠忍使無餘陰旁舍高以華
大豪日捐金蒼雲元武暮鬼物憑陰岑
尚德抑元虛墜典誰當尋我興薦寒泉
百拜公來臨公來不能知落日下饑禽
懷故空山裏鶴飛猿與吟當年于薦歌
補袞一何潑承平示得意獨能正哇淫
君相此一時又復悟良箴諛臣坐廢黜
盍亦起幽沈蒲輪竟頽轂香草空澗林
寂寞授書室孤甥舉遺衾生平諒已然
薄俗矧來今千山爲公墓萬籟爲公琴
夔曠不並世月露爲知音人間蹄涔耳
已矣非公心

元道州文編以元魯山爲元魯縣之臺今爲元武祠

及故

鶴飛猿吟

韋愈柳州羅池廟碑詞
春與猿吟兮秋與鶴飛

于薦于

唐書元德秀傳元宗在東都補五
風樓下命縣令刺史以聲樂集河

內允盛魯山惟樂工數十人連袂歌子爲予子爲予者德秀所爲賦也帝聞異之嘆曰賢人之言哉因語宰相河內其塗及乎乃黜太守

蔡
蹄泮
郭璞游仙詩東海猶蹄泮崑崙若蟻堆

隱水

閩斷城張伯玉詩自作。說文隱水出頰川陽城少室山東入潁水經注汝水枝津世謂之大隱水東南逕召陵故城南又東逕公路臺又東

歷汝陰縣故城西北東入潁。中州集張轉運毅傳弟毅字伯玉美風儀喜談論氣質豪爽在之純希顏伯仲間舉進士有聲場屋及再上不中即拂衣去嘗自言丈夫子娶非尚主官不徒步至宰相不屑可也宰相李公仲適之皆與之游從不敢以布衣諸生處之家既貴顯厚于奉養擊鮮爲具賓客日滿門窮晝竟夜卒以樂死嘗賦棧云枯枝雙魚鱗鱗一蠅拳醉後云日日飲燕市人人識張翥西山晚來好飲酒不下驢賦盡石云瓶非經筈口不向食胸中只有蒼苔落落百千萬之性石與來如嚼快一吐將軍便欲關弓射氣母忽破碎物性紛狼藉有時醉狂頭插筆掃盡人間雪色境其顛放如此。又集李屏山送李天英詩鬚張元是人中龍喜如俊鶴盤秋空怒如惟獸拔古松老我不敢嬰其鋒。歸潛志張毅伯玉許州人伯英選使弟也少有俊才美丰姿鬚齊其腹爲人豪邁不拘奇士也初入太學有聲從屏山游與雷李諸君及子先子善雅尚寔任俠不肯下人再舉不中遂輟科舉計居許之鄆城有園圃田宅甚豐日役使諸姪治生事而已則以詩酒自放愜然爲西州豪俠魁邑令過使告下之喜稱人善交游有患難極力挈扶俗子少不愜意輒罵罵年四十餘不娶有一妾因小過以鐵簡殺之膏衣紫綺裘中醉坐堂上人望之如神迨酒酣與蔡引紙落筆往往有天仙語後病腦疽死年未五十賦古詩云軒姿古鏡照如漆錦華斂秋雨濕人以爲不滅李長吉麻知幾爲文以祭樹其爲人

孤甥
見唐文粹李華魯山

大略史學優吳屏山詩云張侯新作九京人李子遷弔伯玉句云匣內青蛇亦悲吼竟想誰識扶雲材又屏山在燕都時與希顏伯玉諸公游宴李嗜酒雷善飲啗因相戲言云之純愛酒如蠅希顏見肉如鸚伯玉好色如僧遂相與大笑。本集三卷范寬秦川圖詩注子七年前過鄆城伯玉知子來而都無實主意子亦假蹇而去爾後雖願交而髣髴矣未嘗不以爲恨

憑水復憑水東望雁行沒殷勤一杯酒遙酌憑亭月永懷紫
髯郎冠佩見突兀巖巖石青峙鬱鬱松秀發裴回功名會脫
落豪俠窟中州有士論指與雷李屈挂弓須扶桑洗劍必溟
渤皇天靳美器一世惜英物神交付冥漠生氣凜毛髮古來
天下馬萬里八超忽良樂不竝世燕市空駿骨狂歌叫秋雲
北風撼林樾

豪俠窟

杜甫鹿頭山詩
慘淡豪俠窟

雷李

指雷淵希顏
李純甫之純

挂弓

阮籍詠懷詩挂
扶桑長劍倚天外

雜著五首

初白評云應加集陶
二字宋本有之

稟氣寡所諧

飲酒九

衣食固無端

西田穫稻初白
評無當作其

所業在農桑

雜詩八

甘

以辭華軒選田家豈不苦西歲功聊可觀西帶月荷鋤歸對園田

裴回丘隴間歸園曖曖遠人邨歸園紛紛飛鳥還歲養真衡茅居三

下赴庶無異患西遙謝荷蓀翁下躬耕非所嘆西

守拙歸田園詩園淹留自無成九日開闢白長吟掩柴門懷古遂出舍

與塵事真赴素月出東嶺雜詩夜景湛虛明赴揮杯勸孤影雜詩

杯盡壺自傾飲酒七遙遙望白雲和郭千載有浚情荆

榮叟老帶索貧士原生納決履貧士邈哉此前脩貧上久而道彌

著詠二人生少至百飲酒每每多憂慮雜詩量力守故轍貧士餘榮

何足顧疏棲遲固多娛九日幾人得其趣疏

桃李羅堂前歸園霜露榮悴之形贈咄咄俗中惡飲酒六初白評悉陶集一本作愚

人道每如茲飲酒冬嶺秀孤松四卓然見高枝飲酒提壺撫寒

柯飲酒懷此貞秀姿和郭願畱就君住擬古終身與世辭飲酒

元集卷一
十一

世短意恆多

九日

時駛不可追

雜詩十初白評
追陶集作稽

感彼柏下人

墓柏

泣

然沾我衣

詠三

運生會歸盡

連雨

彼此更共之

飲酒

理也可柰何

雜詩

一觴聊可揮

還復

酒中有滋味

飲酒

情隨萬化遺

撫軍坐

西南

望昆墟

山海

靈人侍丹池

山海

我無騰化術

形贈

帝鄉不可期

影

去

來

且極今朝樂

游

千載非所知

九

古意二首

七歲入小學十五學時文二十學業成隨計入咸秦秦中多
貴游幾與書生親年年抱關吏空笑西來頻在昔學語初父
兄已卜鄰跛鼈不量力強欲緣青雲四十有牧豕五十有負
薪寂寥抱玉獻賤薄倡優陳青衫亦區區何時畫麒麟遇合
僅一二饑寒幾何人誰留章甫冠萬古徒悲辛

跛鼈

荀子跬步不
休跛豎千里

牧豕

漢書公孫宏傳前川薛人山家豕敬
豕海上年四十餘乃學春秋雜說

負薪

又來買巨
字翁子吳人

也家貧好讀書捲束薪行且誦書妻羞之賈
臣笑曰我年五十當富貴今已四十餘矣

桃李弄嬌嬈梨花澹丰容盈盈兩無語
舩舩爭春風春風何許來草木誰青紅
天公亦老矣何意夸兒童昨夜花正開
今朝花已空川流不肯駐併與繁華東
榭楠千歲姿舩舩空谷中陽和不擇地
亦復難爲功本無兒女心安用尤天公

舩舩

玉篇廣韻並云月多貌

舩舩

後漢書趙壹傳詩口伊優北堂上舩舩倚門邊玉篇體也

潁谷封人廟

秋澗集潁封人廟詩序云在宋樓鎮西三里古堤上至元十三年夏陳節齋索賦故有是作潁封遺廟枕高壩窈窕

丹青戶牖空治道得人無國小希心錫類與天通當年大隱融融樂此日喬林淡淡風總尋焦賈奮勇從容誰似片言功案詩與遺山意同

洩洩潁谷雲融融潁川水封君去我久
水雲自清美人言君善諫微意得鄭子
特於悔悟時一語發天理大孳動天地
土苴及頑鄙反身而未誠善諫且敗矣
如何千載下乃與茅焦比我行潁川道
永念負甘旨願作鱖尾魴因之日千里

茅焦

見劉向說
死正諫篇

贈答劉御史雲卿四首

中州集劉從益字雲卿南山翁携之會孫
大安元年進士拜監察御史坐與當路者

辨曲直得罪去久之起為葉縣令修學講義發善抑惡有古良吏之風葉
剽邑也兵興以來戶減三之一田不毛者萬七千畝其歲入七萬石故在
也雲卿請于大農為減一萬民賴之流亡歸者二千餘家未幾被召百姓
詣臺乞匄不聽人投牒奉翰林文字論月以疾卒時年四十四葉人聞之
皆以培牛罷酒為位而哭且立石頌德以致哀思之心焉雲卿博學強記
于經學有所得為文章長于詩五言古詩又其所長重劉史說雲卿在太
學時年甚少嘗有詩云黃金錯落雲間闕紅粉高低柳外牆時輩皆推服
之其卒以詩得名者固已見于此矣有蓬門先生集行于世二子祁字京
叔郁字文季
俱有名于時

舊聞劉君公學經發源深驂驪萬里氣聖迹已駸駸大梁語

三日副我夙所欽濂溪無北流此道日西沈百年牛山木不

復秀穹林南風雖寥寥聞絃猶賞音獨憐夸毘子一我無古

今其學君所貪適道我豈任相酬無別物徒有好賢心

濂溪

宋史周惇頤傳字茂叔知南康軍國家廬
山建康縣下五峰隱居濂溪以名之

夸毘

詩天之方枘無為夸
毘爾雅夸毘體柔也

阿京吾所畏蚤生號能文初無王家癖聲光自流聞此行不
虛來得接大小君信知珠玉淵足當羔雁羣君家有箕裘聖
學待冊勳但使本根在枝葉復何云殷勤五色筆未用摧千
軍

阿京

秋澗集渾源劉氏世德碑從益字雲劉肅淵誌墓趙秉文銘神道蓬門其自號也蓋取南山謠子詩元自慕高出門戶莫教門戶出蓬蒿之句子神字京叔少

頽異爲學能自刻昔有奇童目矜冠舉進士庶試失意卽閉戶讀書務窮遠大一放意于古文出古賦雜說教篇李屏山趙閱閣楊吏部雷御史王津南諸公見之曰異才也交口騰譽之及與御史公退居于陳相與講明六經直探聖賢心學推以躬行踐履振華落實文章議論粹然一出于正上論咸謂得斯文正脉之傳壬辰北還鄉里躬耕自給築室榜曰歸潛堂歲戊戌詔試儒人先生就試魁西京選充山西東路考試官後征南行臺程公問其名邀至相下待以賓友凡七年而沒年四十八翰林承旨王磐誌墓有神川遷土葬二十卷處言二十三篇歸潛志三卷行世○史劉從益傳子神字京叔爲太學生甚有文名值金末喪亂作歸潛志以紀金事修金史者多採用焉○歸潛自序子生八年去鄉里從祖父游宦于大河之南時南京爲行宮因得從名士大夫問學○秋澗集碑陰先友記劉神字京叔渾源人資純粹早以文章擅名有神川遷土葬行于世○本集三十九

王家癖

唐書王助傳父福時嘗託諸子于韓思彥思彥大戲曰武子有馬癖君有琴兒癖王家癖何多耶

小君

後漢書桓郁傳有桓君大小章句

學道有通蔽今人乃其尤溫柔與敦厚掃滅不復留高蹇當
父師排擊劇寇讐眞是未可必自私有足羞古人相異同寧
復操戈矛春風入萬物枯枿將和柔克己未有加歸仁亦何
由先儒骨已腐百罵不汝酬胡爲文字間刮垢搜癢洗吾道
非申韓哀哉涉其流大儒不知道此論信以不我觀唐以還
斯文有伊周開雲揭日月不獨程張儔聖遂同一歸論功果
誰優戶牖徒自開膠漆本易投九原如可作吾欲起韓歐

垢癢

唐書魏徵傳好則鑽皮
出羽惡則洗垢索程

程張

指明道
精義

老鶴何許來澹與孤雲同相值太虛室悠然復西東聖學要
深談惜君別匆匆何時沂水上同詠舞雩風

送欽叔內翰并寄劉遵卿郎中白文舉編修五首

中

集李右司獻能字欽叔河中人年二十一以省元賜第廷試第一人宏
優等授應奉翰林文字在朝凡十年出爲鄆州觀察判官用薦者復應

奉俄遷修撰以鎮南軍節度副使充河中經歷正大八年河中盜得一艘走陝州被召以道梗不能赴就罷陝府行省左右司郎中軍變逃福欽叔資稟明敏博聞強記聲流中少見其比爲人誠實樂易洞見肺腑世間狡猾變詐熾悉無不知然羞之不道也與人交不立崖岸杯酒相然語赴難解紛不自顧惜雖小書生以受兄之道來亦殷勤接納傾實倒度無復餘地時欸以此歸之家故饒財盡于貞祐之亂京師冷官食貧口衆無以自資大夫人素豪侈厚于自奉小不如意則有金魚墮地之譏人視之殆不堪其憂而欽叔處之自若也欽叔文章行業過人處甚多而天下猶以其拙孝爲不可及云○又王良臣傳入翰林與李欽叔善從原所征欽叔亦與行道中唱酬甚多○歸潛志李處能欽叔河中人先世以武功顯仕至金吾衛上將軍時號李金吾家迫欽叔昆弟皆以文學有名從兄欽止獻卿先擢第繼以欽叔及繼以從兄欽若蘇誠從弟欽用欽甫故李氏有四柱堂欽叔苦學博覽無不通尤長于四六南渡權兩省魁復中宏詞遂入翰林爲應奉考滿再置出爲鄜州觀察判官再入遷修撰正大末授河中帥府經歷官北兵來攻軍敗奔陝又爲陝府經歷官天興改元陝亂見殺年四十三欽叔爲人矧小而黑色頗有鬚善談論每敷說今古聲鏗亮可聽作詩有志于風雅又刻意樂章在翰苑應機敏捷號爲趙鼎閣李屏山嘗曰李欽叔天生今世翰苑才故諸公薦之不分出館嘗謂人云吾幼夢官至五品壽不至五十後竟如其言異哉○續夷堅志河中李欽叔初生其父之才作湯餅局有相者爲客史學優言君後當權第但出此兒子門下爲太晚耳學優以才名自負不以相者之言爲然其後欽叔二十三省元賜第中廷試策宏詞科除應奉翰林文字兩預主貢學優竟出其門云○玉堂嘉話李翰林欽叔一日與杜仲梁在茶肆中有司召公甚急公曰無他多是夢撰文字渠置此勿去少當卽來已而果至曰爲戒諭百官

車詔適富筆者應奉程天翼程初八供職有粹不易稱者公遂立草五百
餘字允協事宜甚稱上意○案歸潛志劉仲尹致君欽叔外祖也中州劉
仲尹有龍山集嘗于其外孫欽叔處見之本集贊皇銘侯之季弟彥實娶
龍山劉致君之女則欽叔父名彥實字之才母劉氏○又史附見徒單兀
典傳別詳九卷四哀詩注○中州集劉戶部光謙字達卿瀋州人父澤字
澗之爲部掾幽獄有陰德劉之昂與之唱酬其詩有云侯門舊說炎如火
陋巷今猶冷似冰半夜杯盤長袖舞白頭書冊短檠燈用是人不敢以府
史待之達亦泰和三年進士資幹局處事詳雅爲藪廷所知累官司農少
卿病瘡許州宣宗勅國醫診視之卒年五十六好問爲舉子時識于登封
相得甚歡尊酒問談笑有味使人不能忘也○又王或禪頌詩注貞祐末
行臺都尉南征魏武鍾進上李申之于解貽左右司郎中劉光謙達卿潤
文官李獻能欽叔愛其才竊欲活之以避嫌不敢也乃託以問事機令軍
中拘管之○史本傳白華字文舉洪州人貞祐三年進士初爲應奉翰林
文字止大元年果遷爲樞密院經歷官六年權相密院判官七年五月真愛

忽忽歲云暮烈烈風霜威舉頭望長安游子從此歸我有平
生懷愛君如連枝半年姜肱被所樂良不貴尚恨人事異離
合無定時送君酒一杯俯以彈鋏辭上言行路難下言長相
思

姜被

海內先賢傳姜肱事續母年少兄弟同被而寢不入室以
慈母心察此語指蓋淫時事與九志國哀詩同舍同意

六月渡盟津十月行汜水風濤脫沈舟冰雪危墮指孝子在中野永念負甘旨家貧親已老形瘵心欲死古稱季路孝負米曾百里顧作鯉與魴寧當怨頰尾君歸不可緩獻壽迫歲始遙知慈母心已爲烏鵲喜

孟津汜水

昌黎集此口足可惜云假道經孟津出入行剗同黃費次汜水欲過舟無航

烏鵲

西京雜記陸賈曰烏鵲噪而行人至

一年不製衣春服犯霜風一日僅兩食腸胃不得充生平萬里氣頓入低回中田夫怒攘臂縮首甘盲聾老兵賜顏色歡喜無所容求索厭朋友勞苦慚僕僮無聊復無聊又復招災凶我有一樽酒澆君塊磊胸君年始三十白髮成一翁願以寸心徵受此百慮攻君窮復何辭不見閑閑公文章二百年不救四壁空

塊磊胸

劉義慶世說王季伯問王大曰阮籍何如司馬相如大曰阮籍胸中塊磊故須以酒澆之

二百年

歐陽修寄安石詩翰林底月三

下首吏部文
章二百年

君性我所諳我心君所知凡我之所短君亦時有之謀事恨
太銳臨斷恨太遲持論恨太高徇俗恨太卑人道自近始貧
富理不齊君自不得飽欲療何人饑乞醯乞諸鄰聖哲有明
譏被髮救鄉人智者所不爲且如與人交交有非所宜白黑
不復擇豁豁傾心脾泛愛豈不可後悔終自貽又如與人言
寧復無失辭刺口論成敗白眼談歌詩世故穀黃間能不發
其機聞君作損齋似覺豪華非懲忿與窒慾百年有良規與
子各努力歲晚以爲期

黃間

張衡南都賦黃間機張
注黃間怒淵中黃芽

古人遙相望每恨不同時同時得古人歡樂良在茲君歸豈
不佳交游滿京師門前車馬來笑言慰所思細話洛陽事高

詠嵩山詩宮壺發新藟宮梅耿幽姿故應劉與白亦復念微
之

飲酒五首

襄城作。地志南京路許州襄城縣本隸汝州泰和七年來屬

西郊一畝宅閉門秋草沒牀頭有新釀意愜成孤斟舉杯謝
明月蓬華肯相臨願將萬古色照我萬古心

去古日已遠百偽無一真獨餘醉鄉地中有羲皇淳聖教難
爲功乃見酒力神誰能釀滄海盡醉區中民

利端始萌芽忽復成禍根名虛買實禍將相安足論驅驢上

邯鄲逐兔出東門離官寸亦樂里社有拙言

離官寸亦樂晉臣諺云然

邯鄲

枕中記盧生曰吾家山東有田五頃足以饑寒餒何苦求

逐兔

史記李斯傳斯與其中子

俱被執顧謂曰我欲與若牽黃犬出上蔡東門逐殺兔豈可得哉

萬事有定分聖智不能移而於定分中亦有不測機人生桐

葉露見日忽已晞唯當飲美酒儻來非所期

定分

南史顧凱之傳常執命有定分非智力所移

此飲又復醉此醉更酣適徘徊雲間月相對澹以默三更風
露下巾袖警微溼浩歌天壤間今夕知何夕

後飲酒五首

陽翟作。地志南京路鈞州陽翟縣倚

少日不能觴少許便有餘比得酒中趣日與杯杓俱一日不
自澆肝肺如欲枯當其得意時萬物寄一壺作病知奈何妾
婦良區區但媿生理廢饑寒到妻孥吾貧蓋有命此酒不可
無

金丹換凡骨誕幻苦無實如何杯杓間乃有此樂國天生至
神物與世作酣適豈曰無妙理澗漾莫容詰康衢吾自樂何
者爲帝力大笑白與劉區區頌功德

康衢

列子堯治天下五十年微服游于康衢

客從崧少來貽我招隱詩爲言學仙好人間竟何爲一笑顧
客言神仙非所期山中如有酒吾與爾同歸

酒中有勝地名流所同歸人若不解飲俗病從何醫此語誰
所云吾友田紫芝紫芝雖吾友痛飲眞吾師一飲三百杯談
笑成歌詩九原不可作想見當年時

田紫芝

中州集字德秀澠州人父齊以蔭爲部掾德秀少孤養於外家定襄趙氏故多居於祈年十三外祖廣寧治中命賦麗華引語晉書絕人謂李長古

復生資性穎悟一覽萬言年二十讀經傳子史悉徧爲人疎俊而以趙君見稱與同郡王元卿齊名貞祐初避兵襄山倉卒爲游騎所馳遇害時年二十三士論惜之○續表堅志紫芝字德秀澠州人其父濟爲部掾娶定襄趙氏生德秀于中都生數月鄰李媪見之潛然出涕人問之媪曰老婦一兒子生二十五歲在太學有聲以去年亡此兒極相肖也吾兒死時老婦嚙其面破此兒面瘡口痕宛然可以証前身矣德秀幼孤養于外家多居于祈六七歲知屬文一覽萬言十三作麗華引詩意驚人有李長吉風調十六與予游從會大雨後有一詩見示云醉夢蕭森蝶翅輕一燈無語夢邊明感感雨急三江浪老木風高萬馬兵枕簟先秋失殘暑湖山澈曉看新晴對牀曾有詩來否爲問章家好弟兄于見儀之私謂子言首二句非鬼語子言謂其非書者相也果以駢冠下世云又田德秀少孤養于外祖廣寧治中趙君家執袴問作詩多憔悴之語亂後登陵

雲臺子愁思紛紛不易裁
凌雲臺上獨徘徊
鴉背著斜陽
去寒雁帶將秋色來
破屋無煙空碎瓦
新墳纒雨已蒼苔
天翻地覆親曾見
信得昆明有劫灰
明年客死五臺無憂而戚
古人所忌
王荆公詩
少壯不宜輕感慨
文章尤忌數悲衰
真名詩也

痛飲杜詩志形到爾汝痛飲真吾師

飲人不飲酒
正自可飲泉
飲酒不飲人
屠沽從擊鮮
酒如以人廢
美祿何負焉
我愛靖節翁
於酒得其天
龐通何物人亦復爲陶然
兼忘物與我
更覺此翁賢

龐通

宋書陶潛傳王宏欲識之不能致也令潛故人龐通置酒具于半道邀之潛欣然共飲俄而宏至亦無竹也

德禪師清涼草堂

本集三十一卷清涼塔銘西巖德來居流叢中號楚楚者三十五卷真福禪院記子晏松往來清涼

如吾家別業自第一
代琇公而下草堂德並是

舊隱伊陸巷把茅入宴息
新居蘭若峰老屋補漏坼
鐘魚有勝氣餅錫無滯迹
回頭仙人隊談笑初未隔
結草幾成壞逆旅誰主客
道人柳計許一笑山月白
多生負詩債秋物苦催索
遙知得新句崧少爲勸色

上人舊隱伊陽伊陽有伊陸
老仙人隊者女兒山諸峰名

餅錫

蘇軾詩林泉有舊約何年挂餅錫

結草

神仙傳河上公不知姓氏結草爲菴于河濱

少林

雲林入清澗禪房坐蕭爽澄泉潔餘習高鳥喚長往我無元
豹姿漫有紫霞想回首山中雲靈芝日應長

元豹

列女傳隋日子名豹不與家產三倍客諫曰南山有元豹霧雨七日不下食飲澤其毛衣成其文采故藏以避害

紫霞

白居易紫霞關若詩關若

舊精舍寥落空泉石

劉曲龍潭

一本龍上無劉曲二字

層冰積浩蕩陵谷互吞吐窈窕轉幽壑突兀開淨宇回頭山
水縣亦復墮塵土孤雲鐵梁北宇宙一仰俯風景初不殊川
塗忽修阻寒潭海眼淨黥黑自太古蟄龍何年臥萬國待霖
雨誰能裂蒼崖雷風看掀舉

山中人城旱則轉大石入潭以駭龍瞬息致雨故云

海眼蟄龍

王安石龍泉寺石井詩山腰石有千年潤海眼泉無一日乾天下蒼生特霖雨不知龍向此中蟠。歐陽修集古錄跋右退之題名在洛陽嵩

元集卷一

十七

山天封宮石柱上刻云記龍潭遇雷事余爲西京留守推官游嵩山八天封宮登山頂
之武后封禪處有石記戒人游龍潭者毋笑語以損神龍怒則有雷惡因念退之記
遇雷意有
所戒也

麥歎

借地乞麥種徵倖今年秋乞種尚云可無丁復無牛田主好
事人百色副所求盼盼三百斛寬我饑寒憂我夢溱南川平
雲綠油油起來望河漢旱火連東州四月草不青吾種良漫
投田間一太息此歲何時周向見田父言此田本良疇三歲
廢不治種則當倍收如何落我手羊年變鷄猴身自是旱母
咄咄將誰尤人滿天地間天豈獨我饒正以賦分薄所向困
拙謀不稼且不穡取禾亦何由辦作高敬通惡雨將漂流吾
貧有濫觴賢達未始羞單衣適至肝一劍又蒯緱焉知寄食
餓不取丞相侯作詩以自廣時用商聲謳

落手

杜甫留別詩不意青
墓湖扁舟落吾手

旱毋

南史梁宗室推傳歷淮南晉陵吳郡太
守所臨必赤地大旱吳人號為旱毋

高敬通

後漢書高鳳傳字敬通性謹讀晝夜不息妻常之田縣麥
于庭中令鳳護雞時天暴雨而鳳持竿誦經不覺潦水流麥
至夜

半

蕭緜

史流傳者傳者問曰客何所答曰馮
先生家甚貧猶有一劍耳又蕭緜

北邙

地志南京路河南府偃師縣有北邙山洛陽縣
同○張載七哀詩北邙何處樂高陵有四五

驅馬北邙原踟躕重踟躕千年富貴人零落此山隅萬塚不
復識榛莽餘龜趺賢愚同一盡感極增悲歎粵人惟物靈生
也與道俱一為物所眩遂爾迷厥初蛻骨幾山丘百年不須
與歸盡固其理交喪亦已愚陳迹有足悲奈此萬化途焉知
原上塚不有當年吾

龜趺

蘇軾詩木杪見龜趺陸
游詩碑亡春草沒龜趺

與道俱

鷓鴣子至人不遺物與道俱實
誰謂賦至人遺榮兮動與道俱

酒德頌有大人先生以天
地為一朝萬期為須臾

龍門雜詩二首

地志南京路河南府
洛陽縣有龍門鎮

石樓繞清伊塵土天所限人言無僧久草滿不復割灘聲激
悲壯山意出高蹇當年香山老掛冠遂忘返高情留詩軸清
話入禪版誰言海山去蕭散仍在眼溪寒不可涉倚杖西林
晚

香山

唐書白居易傳會昌中以刑部尚書致仕與香山僧如滿結香火社每相與往來白衣鳩杖自稱香山居士大中元年卒時年七十六葬于香山如滿歸塔之側

不見木庵師胸中滿泥塵西窗一握手大笑傾冠巾青山有
佳招一游負因循老筇動高興萬景森前陳乾元秀有期清
伊亦知津細看潛溪樹高臥香山雲學詩二十年鏡華死不
神乞靈白少傅佳句僅能新遙遙洛陽城梅花千樹春山中
有忙事寄謝城中人

木庵

案師名性美字粹中木庵其號也太集三十卷詩集序云住龍門崧少二十年詳後注

豐山懷古

地志南京路鄧州商陽縣有豐山

豐山一何高古屋蒼煙重開門望矣楚鳥去天無窮迎山橫
巨鼉曰水亘長虹川原鬱佳氣自古南都雄炎精昔季與臥
龍起隆中落落出奇策言言揭孤忠時事有可論生晚恨不
逢漢賊不兩立大義皎日同吳人操等耳忍與分河潼奪操
而與權何以示至公一民漢遺黎尺地漢故封守民及守土
天地與相終不能禦寇讐顧以寇自攻旣異鴻溝初又非列
國從一券損牛產二祖寧汝容端木一已失孤唱誰當從至
今有遺恨廟柏號陰風舊聞清冷淵天籟如撞鐘山經野人
語誕幻欺孩童開元有亂階鹿飲溫泉宮黃猿何爲者乃爾
能嘯兕乾坤之大音久鬱理當通清霜旦夕落佇爾驚羣聾

孔明自謂漢室季與清冷淵
黃猿出見廟碑述開元事

隆中

南雍州記隆中諸葛亮故
宅有善井一今涸無水

廟柏

杜甫古柏行落落盤踞雖
得地冥冥孤高多烈風

清霜

山海經曹
山有九鐘

是知霜鳴郭注霜降
則鐘鳴故言知也

乙酉六月十一日雨

史哀紀正大二年四月甲午以京畿旱遣使慮
四五月丁丑以旱甚責已避正殿減常膳赦罪

一旱近兩月河洛東連淮騎陽佐大火南風捲黃埃草樹青
欲乾四望令人哀時時怪事發雨雹如李梅我夢天河翻崩
騰走雲雷今日復何日駛雨東南來元氣淋漓中焦卷意已
同良苗與新穎鬱鬱無邊涯書生如老農苦樂與之偕閭閻
聞吉語一笑心顏開酉年酒如漿乾盜安能裁唯當作高廩
多其尊與鬯家人笑問我君田安在哉

駛雨

原注駛與快同音見魏志○李杜史習染
傳毋憂電光奪目駛雨香酒窟而有疑

酒漿

袁子正書藏在
申西乞漿得酒

示姪孫伯安

本集十一卷寄華詩三十七卷前
冠錄引處在甲午姪孫伯安尚幼

伯安入小學穎悟非凡兒屬句有夙性說字驚老師見汝挾
書歸憶我青衿時青衿昨日耳齒髮忽如茲讀書誤人多闕

疎亦天資元無倚天劍可斷扶桑枝倚梯望青冥愚者知笑
之壯事已無取老謀欲何施幸此掌中孫未染如素絲就令
好紙筆門戶誰當支我有商餘田汝壯可耘耔便當學種樹
未用城南詩伯安方讀韓集符讀書城南

倚天劍

宋玉大言賦地爲與天爲蓋長劍歌倚天外

倚梯

曾公亮詩九香和倚入雲梯

老謀

國語領叔虎曰既無老謀又無壯事何以

事商餘

唐書元結傳天下兵起逃入猗玗君商餘之洞洞在商餘山西南八十里

種松

百錢買松羔植之我東牆汲井滋塵土插籬護牛羊一日三
摩挲愛比添丁郎昨宵入我夢忽然變昂藏昂藏上雲雨慘
澹含風霜起來月中看細鬢錯針芒惘然一太息何年起明
堂鄰叟向我言種木本易長不見河畔柳顧盼百尺強君自
作遠計今日何所望

插籬

杜甫四松詩所插小籬籬本亦有堤防

昂藏

又疎柯慘澹又慘澹

嬌寄若

虞鄉麻長官成趣園二首

地志河東南路河中府虞鄉縣○中州集周昂醉經齋爲虞鄉麻長官賦詩云

詩書讀破自融神不羨雲安鮑米春黃卷至今其味在莫將糟粕待前人

○本集三十一卷藏雲表中條靈降觀唐賢雜通書隱族久頽圯不庇風

兩先生率同志麻長官平甫共

葺之命尙弟裔知先象之居焉

鑿池水交流築屋山四繞衡門在人境三徑深以悄中庭八九樹晨坐聽百鳥人生信多慮長寢谷未了虛舟有天游我定物自擾豈不與世竝自是萬物表達觀無不可言外當意曉

虛舟

莊子方舟而濟于河有虛船來觸舟雖有傷心之人不怒

天游

蘇詩室空惟淡喜心定有天游

達觀

鷓冠子達人大觀乃見其符賈

誼鵬賦達人大觀今物無不可

蹉跎匡山游爛漫彭澤酒慨然下筵上懷我平生友夫君負奇節劔氣鬱星斗爲吏非所堪徑去如避走王官唐以還叙

冀蓋已久柴車君來隱清風動林藪至今溪上詩往往在人
口淵明不可作此事寧復有

匡山

南史劉慧斐傳游于匡山遇處士張季秀相得甚歡有終焉之志
因不仕居東林寺○杜甫太白詩匡山讀書處頭白好歸來

夫君九歌

君兮

王官

唐書司空圖傳居中條山王
官谷有先人田遂隱不出

雜詩四首

相士如相馬滅沒深天機區區銅馬法徒識牝與驪人言當
塗公惡人知其微如何許邵語受之不復疑知人固不易人
亦未易知妍媸在水鏡鉛粉徒自欺孰爲仁義人未假已不
歸伯樂不可作思與曹瞞期

銅馬法

後漢書馬援傳援善別名馬得騁越銅
鼓鑄爲馬式上之有詔置于宣德殿下

許邵

孫盛雜語太風嘗問許子將
我何如人子將曰子治世之

能臣亂世之奸
雄太祖大笑

知人二句

見史記
范雎傳

妍媸

席豫統詩妍媸水
鏡裏從此愧非才

世事如大弩人若材官然乘勢易發機非時勞控弦又如大

水中置彼萬斛船雖有帆與檣亦須風動天不見周公瑾弱
齡已飛鷺不見師尚父鷹揚在華顛彼非生而材此豈晚乃
賢鑑基喻智慧要必有待焉嘆息狂馳子嘗爲愚者憐

萬斛船

杜甫詩瀟灑萬斛船影若揚白
虹自非風動天真能大水中

崑山有璞玉外質而內美唯其不自銜故與頑石齒和也速
於售再獻甘滅趾在玉庸何傷惜君兩足耳

和再獻

趙厚荆人字和得玉赴而獻之荆厲王使玉尹相之曰石也王以和爲誤而
斷其左足武王卽位和復奉玉赴而獻之使玉尹相之曰石也又以爲誤斷

其右足

堂堂明堂柱根節幾歲寒使與蒲柳同扶屢良勝難我衣敝
纒袍我飯苜蓿盤天公方試我劔鋏勿妄彈

苜蓿

薛令之詩盤中何
所有苜蓿去闌干

采杞

仙苗不擇地榛莽散秋實微霜綠未隕濃露紅欲滴方書尚服餌僮僕課采拾花葉久已厭功實從此得苦茶薦奇味凡醜化靈液人傳東坡事世驗西河術誑口亦自佳輕骨况可必維物多似是致用相萬一向非觀玉篇誰爲分杞棘

方書

本草枸杞一名天精地節地仙節老羊乳仙人杖西王母杖春初生苗堪食俗呼爲甜菜五月生小紅紫花使結紅實其根名地骨久服堅筋骨輕身不老耐

寒暑令

又淮南枕中記藝西

觀玉篇

陳子昂觀玉篇序丙戌歲子從左補闕喬公北征夏四月軍懷舍于張掖河可

人長壽 西河 河女子服枸杞法 觀玉篇 喬公北征夏四月軍懷舍于張掖河可 洲草木無他異者惟有仙人杖往往叢生幽朔地寒與中國異子家世好服食昔嘗餌之及此役也而息意茲味皮人有薦嘉蔬者此物存焉子驥爾而笑曰始者與此君別不圖至是而見之豈非神明嘉惠將欲扶吾壽也因爲喬公昌言其能時東萊王仲烈亦同按次聞而大喜甘心食之已旬有五日矣遂有行人自謂知藥者謂喬公曰此白棘也公何謬哉仲烈愕然而疑亦曰吾怪其味甜今果如此喬公信是言乃讓子作采玉篇謂宋人不識玉而實礪石也子心知必是由于獨見之故被奪于衆人乃愕然而歎曰嗟乎人之大明者目也心之至信者口也夫目照五色口分五味元黃甘苦亦可斷而不惑矣而路傍一議二子增疑况君臣之間朋友之際乎自是而觀之則萬物之情可見也感采玉詩而作觀玉篇以答之并示仲烈譏其失真

宿菊潭

地志南京路鄧州內鄉縣有菊水

田父立馬前來赴長官期父老且勿往問汝我所疑民事古
所難令才又非宜到官已三月惠利無毫釐汝鄉之單貧寧
爲豪右欺聚訟幾何人健鬪復是誰官人一耳目百里安能
知東州長官清白直下邨稀我雖禁吏出將無夜叩扉教汝
子若孫努力逃寒饑軍租星火急期會切莫違期會不可違
鞭朴傷汝肌傷肌尚云可天關令人悲

天關

白居易詩寒煖荷
反常物生皆天關

觀浙江漲

地志南京路鄞州內鄞縣有浙水○木集三十七卷仲經詩集
序及宋內鄞曹祖兩板橋張主簿車堂同賦浙江觀漲詩云

一旱千里赤一雨垣屋敗浙故以江名暴與衆壑會初驚沙
石捲稍覺川谷隘雷風入先驅大塊供一噫千帆鼓前浪萬
馬接後派崩崖不暇顧拔木無畱礙憑陵如藉勢洄洑各有
態平分乍舒徐怒觸忽碎壤雲蒸楚樹杪雪映商嶺背髣髴

千丈潮悅與海門對飲飛鬪蛟鱷燃犀出鱗介陽侯富陰族
萬首露光怪翠蕤澹偃蹇鈺鼓亂碇磴永懷疏鑿力重歎神
禹大乾坤海爲壑未礙變橫潰納汗非無處流惡聊自快投

詩與龍盟滌蕩煩一再

將拜大赦五日矣。史家紀正大五年六月壬戌早赦雞犯死罪以下

伏飛

呂氏春秋荆有伏飛者得寶劍涉江中流有蛟

然犀

晉書溫嶠備至牛渚水犀不可測其下多怪物

嶠然犀角而照之見陽侯

淮南子武王伐荊渡于孟津陽侯之波逆而擊博物志晉陽國侯溺水因爲海神

偃蹇枚乘七發

碇磴相如上林賦沈沈隱隱

應仲瑩碇磴碇愈

流惡

左傳有汾滑以流其惡

鶴雀崖北龍潭

本集十一卷女嚴詩注在內鄉往廬氏道中

層崖闕頽陰水木深以阻湍聲半空落洶洶如怒虎風生木
葉脫魄動不敢語何年渾沌竅靈物此棲處初從一綫漚開
鑿到神禹雲雷鼓飛浪噴薄齊萬弩藏珠驪龍領百斛快一
吐油油入無底細散不濡縷歸藏海有穴汎溢愁下土南峰

天一柱萬古鎮幽府江山有奇探落景迫行旅多慙茹芝人
終年看飛雨

龍領

莊子海上翁家食螭膏而食其子沒川得于金之珠翁曰珠在驤龍領下子得之遇其睡也

濡縷

國策徐夫人匕首以試人血不濡縷

芝

杜甫詩吾愛漢初三時清獨知芝

五松平

竹港晨露白石門秋氣寒湍流落澗壑細路深茅菅江平白石出竟日沿清灣四顧不見人山鳥時聞關蒼崖入地底煙靄青漫漫力盡不能過卻坐空長嘆青天白雲閑可望不可攀虛名竟何得行路乃爾難

阻雨張主簿草堂

本集八卷有賦大雨詩

溼暑雲氣鬱浸淫成積雨南風竊陰機萬籟困掀舉飛濤限江岸懸流迫茅宇塊坐百慮滋歸興生鳥羽兒童十日約竹

馬候門廡曾是百里程川途忽遐阻少游去我久念子平生
語款段劣可乘贏餘果何取河汾敞廬在坐滯西南楚世事
不可期客心徒自苦

竹馬

博物志小兒七歲曰竹馬之戲

少游款段

後漢書馬援傳嘗曰我弟少游常哀我慷慨多

款段馬爲揀吏守墳墓鄉里稱善人斯可矣

河汾

唐書王績傳兄通隋末大儒也聚徒河汾傲作六經

贈答楊煥然

本集碑文云諱與字煥然乾之奉天人大元舉選授河南路課稅所長官兼廉訪使十年請老還秦中素中號多士

未有出其右者前世關西天子之日今以歸君矣

詩亡又已久雅道不復陳人人握和璧燕石誰當分關中楊
夫子高誼世所聞十年元尚白藜藿甘長貧有來河水篇四
海付斯文斯文有定在桓生知子雲古來知己難萬里猶比
鄰千人國中和要非心所親東楚西南秦望君勞我神相逢
不得語別去徒殷勤白雲不可贈相思秋復春

桓生

隱居論今揚子之清文義至深而論不詭于聖人若使遭遇于時更聞賢知爲所稱善則必度越諸子矣

送詩人李正甫

河汾詩房瞭希白送李正甫九日讀詩論著哀時總可哀不如且放笑顏開留連風月憑詩句管領江山有酒

杯我欲變身如此處君言數恨若爲裁卽今但有錢三百相約高樓盡醉同。續夷堅志刀生花子同舍李慶之子正甫爲予言

陽和入枯株
靄靄含芳津
山頭太古石
不與萬物春
朝從木客游
暮將山鬼鄰
紫芝僅盈匊
幽蘭不充紉
青雲入長吁
厖膽空輪囷
我嘗讀君詩
天趣觸眼新
秦游得豪宕
晉產餘眞淳
怒虎不受唾
駭鹿未易馴
安坐誰不如
半生走遼巡
蒼蒼不可問
藐藐誰當親
青山碾爲塵
白日無閑人
空歌東野曲
不救西州貧

木客

蘇軾慶州詩山中木客解吟詩

輪囷

陸游詩老眼還愛不及見詩成厖朋空輪囷

鹿馴

沈佺期賦野鹿馴而鹿馴山雞愛而頻舞

元遺山詩集箋注卷一終